

經義考

冊三



經義考卷二百四十三

秀水 朱彝尊 編

男 昆田 校

羣經五

程氏俱漢儒授經圖

佚

俱自序曰古者尊師而重道自天子達於庶人故孔安國授經昭
后死爲之服桓榮傳明帝於東宮及卽尊位幸其第至里門下車
擁經而前蓋其嚴如此漢興諸儒以經誼專門教授故學者必有
師承源流派別皆可推考歷東漢二晉以迄有唐餘風猶有存者
然其閒大儒閒出不專以一經章句授諸生如王通行道於河汾
之閒韓愈抗顏於元和之際故從之學者其於行己成務作爲文
章皆足以名世而垂後如魏證王珪李翱皇甫湜之徒是也陋哉
夏侯勝之言也曰士病經術不明經術苟明取青紫如俯拾地芥
耳夫所貴於學者豈專爲是哉而勝以利誘諸生何也西漢之俗
固已尙通達而急進取矣又使士專爲利而學學而仕仕而顯則
不過容悅患失而已如張禹以經爲帝師位丞相而被佞臣之目

後世議者謂西漢之亡以張禹谷永因災異之對在公議以阿王氏二人者皆成帝所取決關漢存亡之機者也然則懷姦徇利豈其志本在青紫故耶後世君子志於青紫者衆求師務學者寡學者亦無所師承此予所以常恨生之晚也方祖宗隆盛之時如孫明復胡翼之以經術楊文公歐陽文忠以學問文章爲一時宗師學者有所折衷而問業焉王荆公出以經義授東南學者及得君行政於天下靡然宗之元祐閒蘇子瞻以文章主英俊之盟亦云盛矣予臥病里中讀西漢儒林傳觀其師弟子授受之嚴所謂源流派別皆可推考者竊有感焉且浮屠氏自釋迦文佛傳心法與夫講解之宗至於今將二千年而源派譜牒如數一二下至醫巫祝卜百工之技莫不有所師如吾儒師承之道乃今蔑焉所謂學官師弟子如適相遇於塗耳蓋可歎也則其事業之不競語言之不工名節之不立無足怪者因以漢儒授經爲圖以想見漢興之風範云建炎四年六月

羅氏無競經解

佚

胡銓作傳曰羅無競字謙中廬陵人仕爲建寧主簿卒門下客私

諡曰孝逸先生有經解數卷

吳氏沆羣經正論

四卷

佚

玉海紹興十六年九月吳沆進羣經正論四卷

鄭氏伯熊六經口義拾遺

佚

宋氏藻羣經滯穗

百篇

佚

閩書藻字去華莆田人紹興中進士知江陰軍

黃氏開六經指南

佚

任氏文薦六經章句

佚

姓譜閩縣人紹興中進士歷浙江提刑本路都轉運使

楊氏汝南經說

經

義

考

卷二百四十三

一一中華書局聚

三卷

未見一齋書目有

陸元輔曰汝南字彥侯龍谿人紹興中進士為廣州教授撫詩禮

中庸春秋義成三十篇以授學者仍表進於朝

洪氏造經子法語

未見

楊氏甲六經圖

六卷

存

中興書目紹興中布衣楊甲撰

毛氏

邦翰

增補六經圖

六卷

存

中興書目紹興中布衣楊甲撰六經圖乾道中毛邦翰復增補之

易七十書五十有五詩四十有七周禮六十有五禮記四十有三

春秋二十有九合為圖三百有九

苗昌言序曰陳大夫為撫之期年樂民之安於其政思所以富之

教之之敘旣已創闢試院以奉聖天子三年取士之制又取六經圖命泮宮執講肄者編類爲書刊之於學以教諸生謂昌言掌教於是邦積十餘年而庠序友生相與愛敬之不衰俾參訂焉旣逾月諸經論各以其圖就議於予且曰六藝之文浩博若欲別加編摩非積以歲月有不能是圖集諸家所長願因其舊庶得以亟稱賢大夫善教之意予韙其說無敢去取惟傳寫詮次有舛誤者是正之而已凡得易七十書五十有五詩四十有七周禮六十有五禮記四十有三春秋二十有九合爲圖三百有九蓋嘗論之自漢儒章句傳注之學行而士之道學益不明逮本朝以經術取士大儒繼出講解一新而後天下之士皆知淵源之歸今是圖之作凡六籍之制度名數粲然可一二數使學者因是求其全書而讀之則造微詣遠茲實其指南也若因以得於觀瞻之閒遂以爲聖人之經盡在於是則破碎分裂不尤甚於爲之華藻鞞悅者邪其不見斥於覃思幽眇者寡矣然則陳大夫之易圖爲書不無意也觀者宜深思之

顧起元曰六經圖爲宋紹興中布衣楊甲所撰乾道初知撫州陳森屬教授毛邦翰等補而刻之爲圖三百有九舊鮮行世者頃新

都吳氏購得宋本始授梓人計部大夫汝南方公覽而善之謀於同僚諸大夫斥帑羨復刻而存於署既成屬爲之敘夫圖書之用創於聖人使百代憲章譬諸經緯勿可偏廢者也古之學者得其書必攷其圖後之學者修雕繪之技或以詞藻相矜嚴於古之名物度數牴牾闊疏者有矣不知形而上者謂之道形而下者謂之器天下之道貞夫一者也使盡廢其形則器亡而道亦不可見矣故曰書不盡言言不盡意聖人立象以盡意然則標於指外通於意表惟圖能之是固書之所不盡也窮經者試以是參伍而想像之於六藝之言當更有洞若觀火者又安得謂觀象非忘言之妙哉予又嘗考之易有唐沈熊之譜宋劉牧朱震之圖書有唐之無逸圖治要圖詩有魏衛協之圖唐之草木蟲魚圖春秋有漢嚴彭祖唐張傑李瑾之圖宋鄧名世之譜禮有漢鄭玄阮謏唐張鎰夏侯伏明宋梁正聶崇義之圖陸佃之象今皆軼不存而是編所圖多沿舊記黨枯護朽閒亦有之夫謬解犧尊臆注葵首昔之通人不無可議今以此掎摭異同糾滌淆舛因形契理親見古人則是圖誠爲六藝之津涉也方今古學載興異書閒出羽陵蠹簡半在人閒顧經笥斷殘尙須揚摧方公與諸大夫亟舉是編而表章之

其於通經學古裨益弘多矣

陸元輔曰六經圖宋紹興中布衣楊甲撰乾道初撫州教授毛邦翰等補大易象數鉤深圖七十首易有太極圖二次乾知大始次坤作成物次天尊地卑次參天兩地圖次日月爲易次河圖數圖次洛書數圖次天地之數次乾坤之策次六子圖次六位圖次伏羲先天圖次方圓相生圖次仰觀天文圖次俯察地理圖次伏羲八卦圖次文王八卦圖次八卦取象圖次八卦象數圖次四卦合律圖次八卦納甲圖次剛柔相摩圖次八卦相盪圖次六爻三極次五位相合次帝出震圖次著卦之德次序上下經圖次三變大成圖次重易六爻圖次六十四卦天地數圖次六十四卦萬萬數圖次卦爻律呂圖次運會曆數圖次乾坤大父母圖次復姤小父母圖次八卦生六十四卦圖次八卦變六十四卦圖次陽卦順生次陰卦逆生次復姤臨遯泰否六卦生六十四卦圖次六十四卦反時變圖次六十四卦卦氣圖次十三卦取象圖次三陳九卦圖次參伍以變圖次十有八變圖次一陰一陽圖次先甲後甲圖次陰陽君民次陰陽奇耦次二儀得十變化次十日五行相生次大衍之數圖次撰著之法圖次河圖百六數次八卦司化圖次類聚

羣分圖次通乎晝夜圖次陽中陰次陰中陽次序卦圖次雜卦圖
次太玄準易卦名圖次太玄準易卦氣圖次皇極經世全數圖次
邵氏皇極經世圖次温公著虛擬玄圖次古今易學傳授圖尙書
軌範撮要圖五十有五首五十八篇數圖次逸書篇圖次作書時
世圖次帝王世次圖次夏世次圖次秦世次圖次晉魯世次圖次
堯典四仲中星圖次日月會次舍圖次四仲日永短圖次四時測
中星圖次日月行冬夏圖次堯九族圖次舜巡四岳圖次七政五
辰圖次璣衡圖次諸侯玉帛圖次律度量衡圖次十二章服圖次
五聲八音圖次六律六呂圖次九韶樂器圖次五刑四罪圖次舜
舞干羽圖次禹貢隨山濬川圖次禹貢九州疆界圖次禹貢治水
先後圖次禹貢九州譜圖次禹貢九州名數圖次禹貢九川各數
圖次濬畝滄距川圖次堯制五服圖次弼成五服圖次舜十二州
圖次商七廟圖次商五遷都圖次周營洛邑圖次召誥士中圖次
九疇本河圖圖次九疇虛五用十圖次洪範九疇圖次九疇合八
疇數圖次九疇相乘得數圖次劉蘇洪範傳圖二次皇極居次五
圖次皇極不言數圖次周宗彝圖次六年五服朝圖次君牙太常
圖次平王錫圭瓚圖次牧誓兵器圖次費誓兵器圖次漢儒授受

書學圖毛詩正變指南圖四十有七篇首詩篇各次作詩世次次
周公世次次召公世次次衛世次次齊世次次曹世次次陳世次
次晉世次次秦世次次宋世次次族譜次十五國風譜次十五國
地理圖次日居月諸圖次公劉相陰陽圖次楚邱揆日景圖次齊
國風挈壺氏圖次大田雨我公田圖次甫田歲取十千圖次百夫
之田次萬夫之田次載芟藉田圖次時邁巡守圖次我將明堂圖
次清廟閟宮圖次辟雍泮宮圖次斯干考室圖次秦國風小戎圖
次商頌王畿圖次釋草各次釋木各次釋菜各次釋穀各次釋鳥
各次釋獸各次釋蟲各次釋魚各次釋馬各次釋衣服制各次釋
車馬器各次釋禮樂器各次兵農器各次四詩傳授圖周禮文物
大全圖六十有五首天官冢宰次地官司徒次春官宗伯次秋官
司寇次冬官考工記次王宮制圖次營國制圖次經九軌圖次朝
位寢廟社稷圖次宗廟圖次社稷圖次治朝圖次燕朝圖次外朝
圖次夏世室次商重屋次周明堂次宮寢制圖次展制圖次几筵
制圖次王畿千里圖次王畿鄉遂采地圖次井田之法圖次四井
爲邑圖次四邑爲邱圖次四邱爲甸圖次四甸爲縣圖次四縣爲
都圖次四都爲同圖次六鄉圖次六遂圖次五等采地圖次六鄉

鄉地圖次職方九服圖次職方九州圖次行人六服朝貢圖次王
 公侯卿士冕服圖次后服制圖次圭璧璋瓚繅藉制圖次圓邱樂
 圖次方邱樂圖次宗廟樂圖次分舞樂圖次筭鐘磬制圖次鳧
 氏爲鐘次木鐸金鐸次鼓人四金圖次舞師樂師舞制圖次鼓制
 圖次樂器制圖次祭器制圖次六尊制圖次六彝制圖次掌客器
 圖次鬯人制圖次金車玉輅制圖次墨車制度圖次厭翟車制圖
 次輪人爲蓋圖次九旗制圖次射侯制圖次馮相太歲圖次龜人
 圖次筮人圖次土圭測日圖次水地法圖次傳授圖禮記制度示
 掌圖四十有三首四十九篇數次二十四氣圖次七十二候圖次
 月令中星圖次月令明堂圖次十二律還相爲宮圖次月令十二
 律管候氣圖次月令所屬圖次月令仲春昏星圖次月令仲夏昏
 星圖次月令仲秋昏星圖次月令仲冬昏星圖次五社制度圖次
 五帝坐位圖次王制商建國圖次王制周建國圖次王制公卿大
 夫士圖次天子縣內圖次周公明堂圖次武舞表位圖次冠冕制
 圖次器用制圖次七廟制圖次祫廟制圖次五廟三廟圖次別子
 祖宗圖次郊禘宗祖圖次堂上昭穆圖次室中昭穆圖次燕禮圖
 次投壺禮圖次鄉飲禮圖次養老禮圖次冠禮器圖次昏禮器圖

次習射禮圖次饗禮圖次內外用事之日圖次祭祀用樽之數圖
次禮記名數圖次禮記傳授圖春秋筆削發微圖二十有九首春
秋十二公次二十一國世次圖次春秋一百二十四國爵姓次五
霸次齊盟次與盟之國次春秋諸國地理圖次地名所屬次諸國
地理次周地次魯地次陳地次齊地次晉地次宋地次衛地次鄭
地次楚地次邾地次莒地次紀地次諸國地次闕地次周王族諸
氏次魯公族諸氏次晉公族諸氏次齊公族諸氏次宋公族諸氏
次衛公族諸氏次鄭公族諸氏次陳公族次蔡公族次吳公族次
莒公族次曹公族次虞公族次虢公族次諸侯興廢次春秋始終
次春秋總例數次春秋三傳傳授圖共三百有九圖

葉氏仲堪六經圖

宋志七卷

未見

陳振孫曰東嘉葉仲堪思文重編按館閣書目有六卷昌州布衣
楊甲鼎卿所撰撫州教授毛邦翰增補之易七十今百三十書五
十五今六十三詩四十七今同周禮六十五今六十一禮記四十
三今六十二春秋二十九今七十二然則仲堪蓋又以舊本增損

改定者耶

楊氏萬里六經論

一卷

存載誠齋集

呂氏祖謙麗澤論說集錄

通考十卷

存

陳振孫曰呂祖謙門人所錄平日說經之語末三卷則史說雜說東萊於諸經有讀詩記及書說成書而未終也

唐氏仲友說齋六經解

一百五十卷

未見一齋書目有

九經發題

一卷

佚

先民錄唐仲友字與政金華人號說齋登紹興辛未進士復中宏詞科判建康府轉知台州抑姦拊弱發粟賑饑創中津浮橋以濟

涉政聲卓然俄爲同官高文虎所忌譖諸倉使屢疏劾之會仲友遷提點江西刑獄而劾者益力遂主管冲祐觀以歸開席授徒學者數百人益肆力於經史百家以究其業著帝王經世圖譜十卷六經解諸史精義羣書新錄各若干卷文集四十卷

周必大曰與政於書無不觀於理無不究凡天文地理禮樂刑政陰陽度數兵農王霸皆本之經典兼采傳注類聚羣分旁通午貫使事時相參形聲相配或推消長之象或列休咎之徵而於郊廟學校畿疆井野尤致詳焉昔漢儒專通一經局守師說居家用以修身蒞官取以決事況乎六經旨趣百世軌範廣記備言精思博考使見諸行事豈不要而有功也與

蘇伯衡曰乾道淳熙閒紫陽朱子廣漢張子東萊呂子鼎立於一時而東南學者翕然宗之說齋唐公出乎其時又與呂子同居於婺而獨尙經制之學真可謂特起者矣而豈立異哉公不惟精史學尤邃於諸經自謂不專主一說不務爲苟同隱之於心稽諸聖人合者取之疑者闕之所著六經解百五十卷九經發題經史難答孝經解愚書各一卷諸史精義百卷帝王經世圖譜十卷乾道祕府羣書新錄八十三卷天文地理詳辨各三卷故事備要詞科

雜錄各四卷陸宣公奏議詳解十卷說齋文集四十卷今去公垂二百年傳者蓋無幾矣揚雄有言存則人亡則書欲求公於公之書而其書又如此不愈大可惜哉

王氏炎諸經考疑

佚

李氏舜臣羣經義

宋志七卷本傳八卷

佚

徐氏存六經講義

佚

喻氏良能諸經講義

佚

浙江通志喻良能義烏人官至太常寺丞

劉氏光祖山堂疑問

通考一卷

佚

陳振孫曰起居郎簡池劉光祖德修撰凡一卷慶元中謫居房陵

與其子講說諸經因筆記之以其所問於詩爲多遂取呂氏讀詩
記盡觀之而釋以己意附疑問之後

俞氏亨宗羣經感發

十卷

佚

紹興府志俞亨宗字兼善山陰人隆興二年進士嘉定中爲祕書
少監

游氏桂畏齋經學

宋志十二卷

佚

陳振孫曰宣教郎廣安游桂元發撰桂隆興癸未進士歷官至制
司機宜

彭氏龜年訓蒙經解

佚

樓鑰撰碑曰嘉定改元詔贈故吏部侍郎彭龜年爲寶謨閣直學
士既又加贈龍圖閣學士賜諡忠肅公登乾道五年進士第嘗著
訓蒙經解若干卷藏於家

張氏布六經講解

佚

陳耆卿曰臨海人字伯真乾道八年進士歷太學錄博士樞密院編修官宗正丞權金部右侍郎遷祕書丞知徽州不赴奉祠終朝散大夫有六經講解藏於家

毛氏璞六經解

佚

葉氏適習學記言序目

五十卷

存

孫之宏序曰習學記言序目者龍泉葉先生所述也初先生輯錄經史百氏條目名習學記言未有論述自金陵歸研玩羣書更十
六寒暑乃成序目五十卷子案既以先志編次諗今越帥新安江
公鉉木郡齋又囑之宏揭其大指於書首竊聞學必待習而成因
所習而記焉稽合乎孔氏之本統者也夫去聖懸邈百家競起學
失其統久矣漢唐諸儒皆推宗孟軻氏謂其能嗣孔子至本朝閩
洛驟興始稱子思得之曾子孟軻本之子思是爲孔門之要傳近

世張呂朱二三鉅公益加探討名人秀士鮮不從風而靡先生後
出異識超曠不假梯級謂洙泗所講前世帝王之典籍賴以存開
物成務之倫紀賴以著易象象仲尼親筆也十翼則訛矣詩書義
理所聚也中庸大學則後矣曾子不在四科之目曰參也魯以孟
軻能嗣孔子未爲過也捨孔子而宗孟軻則於本統離矣故根柢
六經折衷諸子剖析秦漢迄於五季以呂氏文鑑終焉其致道成
德之要如渴飲飢食之切於日用也指治摘亂之幾如刺臚中育
之速於起疾也推迹世道之升降品目人材之短長皆若繩準而
銖稱之前聖之緒業可續後儒之浮論盡廢其切理會心冰消日
朗無異親造孔室之閔深繼有宗廟百官之美富可謂稽合乎孔
子之本統者也

黃百家曰習學記言存於今者序目而已內說經共十四卷易四
卷書一卷詩一卷周禮儀禮合一卷禮記一卷春秋一卷左氏傳
二卷國語一卷論語一卷孟子一卷若記言原本不知若干卷惜
乎不得見矣是書前在山陰孫之宏序葉氏門人

任氏希夷經解

十卷

經

義

考

卷一百四十三

九中華書局聚

佚

邵武府志任希夷字伯起邵武人淳熙三年進士官至端明殿學士僉書樞密院事兼權參知政事贈少師諡宣獻

傅氏並羣經講義

佚

應廷育曰芷字升可義烏人淳熙五年進士仙居尉

戴氏厚經解

三十卷

佚

樓鑰志墓曰東嘉戴君浚仲嘗薦於鄉五上禮部至淳熙八年始以特奏名試補賀州之學尋授迪功郎金華縣尉改修職郎監漳州南岳廟著經解三十卷藏於家君諱厚又字長文

李氏燾五經傳授圖

宋志一卷

佚

危氏稹諸經講義集解

佚

江西通志危稹字逢吉臨川人淳熙十四年乙科除南康軍教授
歷屯田司郎官出潮州又知漳州

徐氏大受經解

佚

陳耆卿曰天台人字季可淳熙十一年特科監行在草料場號竹
谿先生有經解藏於家

項氏安世家說

宋志十卷附錄四卷

未見

陳振孫曰九經皆有論注其第八卷以後雜說文史正學附錄孝
經中庸詩篇

華氏鏜六經解

佚

按華氏書無傳楊誠齋荆溪集有贈詩云華鏜晨趨孔子
堂今日覃思彫肺腸毛穎爲君禿盡髮問君何時放渠歇
題曰華鏜秀才著六經解以長句書其後則其書業成編
矣

經義考卷二百四十四

秀水 朱彝尊 編

男 昆田 校

羣經六

黃氏幹六經講義

宋志一卷

未見

輔氏廣五經注釋

佚

李氏大同羣經講義

十五卷

佚

金華府志李大同字從仲東陽人學於呂成公朱文公登嘉定十

六年進士官至工部尚書以寶謨閣直學士知平江府

陳氏埴木鍾集

十一卷

存

埴自序曰善問者如攻堅木善待問者如撞鍾朋友講習不可以無問也問則不可以無復今之不善問者徒先其所難後其所易取其節目之堅乃欲一斧而薪之不少徐徐以待其自解則匠石從旁而竊笑之矣至其待人之問者或小叩之而大鳴或大叩之而小鳴不待其再至而亟盡其餘聲或餘之未盡而恣其人之更端焉然則是鍾也其必州鳩氏之所棄者乎余非待問者顧諸友方持班氏之斧以運成風之巧乃欲以空中之物隨酢焉其不哆然肆黯然啞者幾希矣或曰空故能聲虛故能應壞木之竅穴而萬籟出焉物固有然者矣余有感於斯言也取二物因命之曰木鍾焉

按潛室陳氏木鍾集一論語二孟子三六經總論四易五書六詩七周禮八禮記九春秋附以近思雜問漢唐史各一卷

吳氏梅卿經說

佚

浙江通志吳梅卿字清叔仙居人嘉定十七年特舉仕至忠州文學從朱子游

許氏奕九經直音

宋志九卷

未見

九經正訛

宋志一卷

佚

諸經正典

宋志十卷

佚

林氏觀過經說

宋志一卷

佚

章氏如愚羣書考索經說

三十二卷

存

應廷育曰章如愚字俊卿金華人慶元中進士官國子博士改知

貴州開禧初言事忤韓侂胄罷歸學者稱山堂先生

按章氏書皆采諸家之說非自撰惟因援引諸書刊本多
失載於是唐氏稗編所錄直言如愚姓名矣書共六十六
卷內言經籍圖書前集凡九卷別集凡十一卷續集凡十
二卷

毛氏居正六經正誤

通考六卷

存

魏了翁序曰自秦政滅學經籍道熄迨隸書之作又舉先王文字
而併棄之承訛襲舛愈傳愈失蔡伯喈書石經有意正掇之旋亦
焚蕩張參所見石經又不知果爲蔡本否其所引石經文多失字
體魏晉以來則又厭樸拙者姿媚隨意遷改義訓混淆漫不可考
重以避就名諱如操之爲摻昭之爲侶此類不可勝舉況唐人統
承西魏尤爲謬亂陸德明孔穎達同與登瀛之選而釋文與正義
自多背馳至開元所書五經則又以俗字易舊文如以頗爲跛以
平爲便之類又不可勝舉而古書益邈五季而後鏤板繙印經籍
之傳雖廣而點畫義訓訛謬自若本朝胄監經史多仍周舊今故
家往往有之而與俗本無大相遠南渡草創則僅取版籍於江南

諸州與京師承平監本大有逕庭與潭撫閩蜀諸本互爲異同而監本之誤爲甚柯山毛居正義甫以其先人嘗增注禮部韻奏御於阜陵遂又校讎增益以申明於寧考更化之日其於經傳亦既博覽精擇嘉定十六年春會朝廷命賈監刊正經籍司成謂無以易義甫馳書幣致之盡取六經三傳諸本參以子史字書選粹文集研究異同凡字義音切毫釐必校儒官稱歎莫有異辭旬歲閒刊修者凡四經乃猶以工人憚煩詭竄墨本以給有司而板之誤字實未嘗改者什二三也繼欲修禮記春秋三傳義甫以病目移告其事中輟或者謂縱令盡正其誤而諸本不同何所取證豈若錄其正誤之籍而刊傳之後學得以參考余觀其書念今之有功於經者豈無經典釋文六經文字九經字樣之等然此書後出殆將過之無不及者其於後生晚學祛蔽寤疑爲益不淺因縱與其成而序識之書曰若升高必自下若陟遐必自邇學者其毋忽於斯

陳振孫曰柯山毛居正義甫校監本經籍之誤所欲刊正者魏鶴山爲之序而刻傳之大抵多偏旁之疑似者凡六卷

王氏士奇諸經釋疑

佚

姓譜字永叔福安人莆田法曹奉議郎

李氏伯玉斛峯經義

佚

江西通志李伯玉字純甫餘干人嘉定進士累官禮部尙書

岳氏珂九經沿革

□卷

存

珂自述曰世所傳九經自監蜀京杭而下有建余氏興國于氏二本皆分句讀稱為善本廖氏又以余氏不免訛舛于氏未為的當合諸本參訂為最精板行之初天下寶之流布未久元板散落不復存嘗博求諸藏書之家凡聚數帙僅成全書懼其久而無傳也爰做成例乃命良工刻梓家塾如字畫如注文如音釋如句讀悉循其舊且與明經老儒分卷校勘而又證以許慎說文毛晃韻略非敢有所增損於前偏旁必辨圈點必校不使有毫釐訛錯視廖氏世綵堂本加詳焉舊有總例存以為證

張萱曰宋相臺岳珂家塾刊本與九經總例相同

真氏德秀西山讀書記

通考三十九卷

存

陳振孫曰真德秀景元撰其書有甲乙丙丁甲言性理中述治道未言出處大抵本經子格言而述以己意今但有甲三十七卷丁二卷乙丙未見

魏氏了翁九經要義

二百六十三卷分見諸經外有類目六卷

闕

虞集序曰聖賢之學實由秦漢以來諸儒誦而傳之得至於今其師弟子所授受以顯門相尚雖卒莫得其要然而古人之遺訓前哲之緒言或者存乎其閒蓋有不可廢者自濂洛之說行朱氏祖述而發明之於是學者知趨乎道德性命之本廓如也而從事於斯者誦習其成言惟日不足所謂博聞多識之事若將略焉則亦有所未盡者矣況近世之弊好爲鹵莽其求於此者或未切於身心而攷諸彼者曾弗及於詳博於是傳注之所存者其舛譌牴牾之相承旣無以明辨其非是而名物度數之幸在者又不察其本

原誠使有爲於世何以徵聖人制作之意而爲因革損益之器哉
魏氏又有憂於此也故其致知之日加意於儀禮周官大小戴之
記及取諸經注疏正義之文據事別類而錄之謂之九經要義其
志將以見道器之不離而有以證臆說聚訟之惑世此正張氏以
禮爲教而程氏所謂徹上徹下之語者也而後人莫窺其說以兼
致其力焉昔之所謂鹵莽日以彌甚甘心自棄於孤陋寡聞之歸
嗚呼魏氏之學其可不講乎魏氏名了翁字華父臨邛人故宋慶
元己未進士仕至資政殿大學士參知政事僉書樞密院事都督
江淮軍馬贈太師封秦國公諡文靖而學者稱爲鶴山先生
王禕曰孔穎達作九經正義往往援引緯書之說歐陽公嘗欲刪
而去之以絕僞妄使學者不爲其所惑然後經義純一其言不果
行迨鶴山魏氏作九經要義始加黜削而其言絕焉

張萱曰九經要義魏了翁著考究九經中義理制度也今內閣見
存儀禮七冊禮記三冊周易二冊尚書一冊春秋二冊論語二冊
孟子二冊又於前書各段分類爲類目六卷以便簡閱尚存

錢氏時融堂四書管見

存

張萱曰宋理宗朝錢時注解論語學庸附以古孝經為四書

按錢氏四書管見有孝經而無孟子與朱子所定四書不

同故附以羣經

高氏定子經說

五卷

佚

盧熊曰高定子字瞻叔□□二年進士簽書樞密院事兼參知政

事學者稱著齋先生

李氏彥華經傳辨疑

三十六卷

佚

魏了翁志曰彥華字仲實撫州宜黃人通判武岡軍李劉之王父

家故藏書至萬餘軸矻矻晨夜天文地理禮樂律曆兵謀方伎毫

分縷析體習既精晚而述經傳辨疑禮樂遺錄三十六卷鄉人號

曰藏修先生

吳氏之異諸經講義

經

義

考

卷二百四十四

五中華書局聚

五卷

佚

史氏堯輔諸經講義

五十卷

佚

魏了翁誌墓曰堯輔字克甫居眉之丹稜受春秋於橫舟劉子有年十五講學於德溪開禧三年以易冠同經生尋中乙科調永康軍青城縣主簿補大足縣尉調合州推官

吳氏獵經解

佚

魏了翁狀曰公諱獵字德夫醴陵人敷文閣直學士贈通議大夫

謝氏升賢四書解

佚

張氏貴謨泮林講義

宋志三卷

佚

俞氏言六經圖說

宋志十二卷

佚

周氏士貴經括

宋志一卷

佚

梁氏南一六經辨疑

佚

姓譜字力行

賈氏鑄考信錄

通考三十卷

未見

劉氏序略曰友人賈君成己少余十三歲未脫舉子累且教授生徒所至坐席常滿而能歷年篤以成書世之學者於六經之疏能一閱焉者蓋寡況能參稽其類大之如天地氣形之初微之如服食器用之末先儒該洽兼綜凡古書之雜出者徵之而靡不在分之而靡不貫也其書曰考信錄考諸古而信諸心又以質於余而證於後世用意遠矣

黃氏大昌晦庵經說

三十卷

未見

楊氏伯岳九經補韻

一卷

存

伯岳自序曰字學湮廢已久學者無以寤疑辨惑僕性嗜古癖書傳因涉獵諸經訓釋或同字殊音或假音如字若此者衆韻書率多不載竊有感焉如禮部韻一書政爲聲律舉子設紹興閒三山黃進士嘗補選進上乃亦闕略弗備近嘉禾吳教杜復申明僅增三字僕之惑滋甚蓋若禮記斂般請以機封毛詩倚籥其枝之類庸可諉曰是喪制所出非程文所當用或音義弗順非韻語所可押至如周禮合采合舞之爲釋菜毛詩鱣鮪發發之爲緜緜皆足正後學之傳訛助文場之窘步一切置之可乎乃卽經蒐羅萃爲一編非敢上於官以求增補亦非敢淑諸人以侈聞見姑藏家塾以擊蒙昧博識幸毋我誚

俞任禮後序曰禮部韻以略言外多隘之而議欲增也自元祐國

子博士孫諤隨乞添收繼其後則黃啓宗有補韻吳棫有補韻補音毛晃有增韻張貴謨有韻略補遺近世黃子厚蔣全甫則又各有論說然疎者隨韻補輯僅得一二詳者至盡采子史蒼雅方言欲增入二千六百五十五而難於行此禮部韻之所以至今未備也泳齋先生治衢之暇日揖任禮於柯山堂而語曰子見我所纂九經補韻乎先生於書無所不讀而以經爲根源補韻之作凡九經中字之假借音之旁通考訂分彙各疏其下若星象之錯落於天而燦然以明平齋洪端明所謂杜門論著佳哉者此也平齋欲著論而後弗果他日上之朝而頒行於禮部俟後世知國家之淑士以經則豈但爲聲韻之助任禮敢寫平齋之志而繫於後

黃氏補九經解

佚

梅氏寬夫裕堂先生諸經講義

一卷

未見

黃虞稷曰括蒼人解易詩論孟學庸諸義

黃氏彬經語協韻

經

義

考

卷二百四十四

七

中華書局聚

宋志二十卷

佚

錢氏承志九經簡要

宋志十卷

佚

張氏伯文九經疑難

十卷

未見

伯文自序曰疑生於不信難起於不服經之有疑難其殆出於專門之學臆見異說自相矛盾者乎然所疑有是非而難有當否有如李泰伯疑周禮者一歐陽公疑周禮者二蘇子由疑周禮者三猶曰今之周禮非周公之全書也至若劉子元於書有疑古十條於春秋有十二未喻果何見也何休好公羊學著公羊墨守左氏膏肓穀梁廢疾鄭玄乃發墨守鍼膏肓起廢疾猶曰黨同伐異者爾若夫顧悅之嘗難王弼易義四十條而關康之又申王以難顧非其品藻不由於公論而評議獨出於私見者乎雖然是皆有可取者昔孔門之學大概務通倫類而已顏子聞一知十子貢告往

知來故師友琢磨而德業日進使其舉一隅而不反以三隅決不能有所疑有所難也予自幼年趨庭先君鱣堂授以麟經涉獵之餘亦嘗取五經三禮與夫語孟講究其大概凡平日得於先儒之議論者寸長片善靡有不錄今取其切於場屋之用者纂爲一書題曰九經疑難非惟述其辨駁而已凡其說之新奇意之高遠開卷一覽九經大旨瞭然胸中矣昔房景先才學通融嘗作五經疑問百餘篇而邢邵亦以五經指要爲世指南今不見其書聊以是擬前篇云

戴氏栩五經說

佚

王瓚曰栩字立子永嘉人師事葉適登嘉定戊辰進士爲太學博士遷秘書郎出知臨江軍不赴久之起湖南安撫司參議官

王氏奕六經說

佚

經義考卷二百四十四

經義

考

卷二百四十四

八 中華書局聚

王月英女醫婦

士醫對書禮出安極正軍不世久之

王蒙曰對字立千禾嘉人

矣

廣知再正醫婦

謝師論云

問百餘篇而狀獨不以正醫謝要為世前南今不見其書附以是

卷一贊大醫大音雜然中矣昔景景夫才學

陳田亦恐最難非並其

難歸皆下具其善醫者不疑今

繪亦善類正醫三醫與夫

繪亦善類正醫三醫與夫

伏來地相文

經義考卷二百四十五

秀水 朱彝尊 編

男 昆田 校

羣經七

饒氏魯五經講義

未見

劉氏元剛三經演義

宋志十一卷

佚

葉氏時對制談經

十五卷

存

杜涇序曰是編乃文康葉公所著貫穿經史言言典則真經濟之第一義也舊文百篇散出無緒深闕探討今立十五門分統之便簡閱也或有片言匪要則稍加汰節其典章名物難以懸解者悉取經文注疏分隸於後字義音韻未易通曉者徧考韻會羣書標識於端句讀辨之亥豕正之使讀者開卷洞然具見先生之武庫

珍做宋版印
矣非敢言先生之忠臣庶幾哉非先生之叛臣乎以其可資制作之用爰命之曰對制談經云

黃氏仲元經史辨疑

未見

姓譜仲元字善甫莆田人咸淳中登第陸秀夫薦充益王府撰述官遷太常博士宋亡更名曰淵字天叟

黃氏震曰抄經說

三十一卷分見各經

存

沈達序曰學以孔孟為師師者道之所存其文則六經之書也講習以窮理躬行以達用斷乎不可易者宋儒標榜角立互有異同而象山陸氏始倡為高遠驚世之論謂此心本明不假言議惟當自求以得之凡講學即是異端六經皆吾注脚一時聞人風靡從之獨慈谿黃東發氏尊信周程朱子之說以上探孔孟六經之旨一切反之躬行以為實用於士必以操行自立於官必以職業自見至讀論語而於孝弟忠信文公所以教人者蓋佩服終身焉故自強仕用明經家法取科第積州縣吏能歷監司郡守所至有異

政仁民厚俗一本之禮義立朝諤諤數對無隱情雖遭讒去國未究其設施而言論氣節千載有光斯可謂不負所學者矣公暇所閱經史諸書隨手考訂并奏劄申請勸誡等作凡百卷名之曰日鈔鈔梓行於世中值兵燬諸孫禮之懼祖訓之失墜購求搜輯補刻僅完屬予序之予惟科目利誘之弊至趙宋而極其以道學云者又皆從事空言而於躬行大業或未之能然彼其立異矯時固爲賢智之過望而可知其非百餘年閒未有以折衷猶賴先生詳辨力詆著之方冊俾孔孟周程朱子正大之學燦然復明如杲日行空沈陰積靄廓焉爲之一清有目者皆可覩也方陸學盛行慈湖楊簡氏宗陸者也於公爲鄉人公未嘗苟從末俗波蕩中卓見定力一人而已世之師若弟子玩味是書必若公之於文公身體而力行之而後可而以言學顧予淺陋何足以知先生會秩滿將歸禮之請之益勤敬書於卷端以爲願學者勉若其文詞論述浩瀚峻潔特公之餘事茲故可略云昔至正三年歲在丁丑四月王圻曰五經朱子於春秋禮記無成書慈谿黃東發取二經爲之集解其義甚精蓋有補朱子之未備且不欲顯故附於日鈔中其後程端學有春秋本義陳澹有禮記集說皆不能過之永樂初修

五經大全諸儒皆未見日鈔故一無所取

曹氏涇五經講義

四卷

未見

黃虞稷曰字清甫歙人宋昌化簿入元不仕

夏氏良規五經解

佚

林氏洪範五經義方

十卷

佚

閩書閩縣人

馬氏廷鸞六經集傳

佚

江西通志馬廷鸞字翔仲樂平人登進士歷拜右丞相

王氏應麟六經天文編

宋志六卷

存今本二卷

玉海藝文經解

九卷

存

應氏翔孫經傳蒙求

佚

方回序曰王伯厚尚書學極天下之博長子四歲予昔嘗敬事之戴帥初博士學極天下之粹少予十七歲今予畏友也此四明二先生俱以其里中應君子翱翔孫所著經傳蒙求爲然予無復容喙矣竊嘗謂道一而已而物有萬古聖賢之學不專在語言文字日月星辰與天爲體運而不已山川艸木與地爲體生而不窮言語文字與聖賢爲體傳而不朽體物也所以用之者道也道不離物易究咎休書紀治亂詩美刺春秋褒貶三禮辨上下論專言仁孟兼言義皆以語言文字與道爲體其妙用所在一而已一者何道是也然則何道也天地之心耳此之謂道而以其道用乎日月星辰山川草木之物故曰道不離物聖賢之心欲使千萬世之人爲善不爲惡以復其有善無惡之性則不容不著之書此言語文字所以爲斯道有形之體而無形之道所以用乎有形之體而寓

於言語文字之中也顧可忽諸子翱所謂蒙求自易至論孟皆括爲韻語以訓後進傍及諸子百家而揚雄方州部家之書亦與焉子曩亦嘗摘其奇語難字以供刀筆艱深之中韜平易亦不過一陰一陽一晝一夜一寒一暑消息往來幽明生死之故易之注疏也獨所用六日七分曆法一歲則易之一端耳康節經世書出於此或謂子好太玄又出雲覆瓿下回曰不然凡言語文字之不畔於道者皆與道爲體片雲起於天而澤四海粒粟根於地而飽萬民一畫肇於聖人而開百聖天地聖人之道皆託於物近世有欲滅絕言語文字以爲學者敢痛詆朱文公著述謂率多於古人動累於後來黨陸也其人臨汀使君不然五十而死天棄之矣讀子翱之書者亦曰與道爲體能於有形中求無形則將於無味中得有味矣子翱早中童子科伯公衡嘗參大政云

馬氏端臨經籍考

七十六卷

存

胡氏仲雲六經蠹測

佚

王氏義端經疑

十五篇

佚

程鉅夫表墓曰義端字元剛受易於廬陵歐陽守道與兄義山俱有名以恩監江陵白水鎮遷武岡綏寧令文丞相起兵江西辟與幕議君歎曰事已至此去將安歸涕泣謝之自是終其身不出或勸君仕曰我不能死可復仕乎

陸氏正七經補注

佚

浙江通志陸正字行正海鹽人今屬平湖舊名唐輔宋亡與族父震龍以家世宋臣矢不仕元遂更名正程文海薦之不起後復與劉因同徵堅不赴隱居教授及卒門人私謚曰靖獻先生立書院於陳山祀之

鄭氏君老五經解疑

佚

姓譜字邦壽長溪人咸淳四年進士元初交薦不起學者私謚曰靖節先生

張氏卿弼六經精義

百卷

佚

虞集曰弼陽張君卿弼字希契登咸淳戊辰進士第除福州司戶
辟充教授仕至興化倅而宋亡隱居不出門生弟子從受業者甚
衆講學藍山書院徧取傳記百十家擇其合於修己之學而不墮
於清虛治人之方而不雜於術數者輯而錄之名曰六經精義凡
數百卷

謝氏枋得五經珍抄

四卷

存

陸元輔曰疊山五經類纂四卷坊閔所刊盱江趙師聖序之題曰

珍抄

王氏所五經類編

二十五卷

佚

台州府志王所字喻叔黃巖人咸淳乙丑進士宋亡致高郵軍事

珍做宋版印

歸營書院於漢濱及卒黃超然題其墓曰宋進士元逸民南峯王公墓

牟氏蠟六經音考

佚

鄭元慶曰蠟字獻甫子才之子也以蔭歷大理少卿宋亡不仕與子應龍父子討論著六經音考

余氏浙六經審問

佚

紹興府志余浙字季淵新昌人登進士歷監察御史改大理少卿歸自號致曲老人

趙氏元輔六經圖

五卷

未見

黃氏浚五經通略

二卷

未見

顏氏宗道經說

經義考

卷二百四十五

五中華書局聚

一卷

未見

車氏似慶五經論

佚

似慶自序曰五經聖人成書萬世標準聖人既沒遭秦之亂禁網嚴密天下學士逃難結舌以書為諱天下無全書矣漢除煩苛約以三章更高惠二君挾書著律猶未盡去老壯者沒少者亦耄期矣未必盡能記誦也伏生年過九十始克口授不全之書他經不至於泯絕者漢儒補葺之力為多今讀其書者知漢儒記誦傳習之艱苦而默會聖心於千萬世之上可也作五經論

謝鐸曰五經論黃巖車隘軒似慶著今有抄本

俞氏琰經傳考注

未見

趙氏孟至九經音釋

九卷

未見

鄭元慶曰孟至宋燕懿王後祖希憚自青田徙湖州父與憲嘉定

大中登第孟至咸淳乙丑進士官運判

趙氏德五經辨疑

未見

江西通志趙德宋宗室自號鐵峯博學工文隱居郡城之東湖

按趙氏辨疑惟毛詩有二十八則附朱倬疑問之後餘俱

未見

葉氏夢鱗經史子要

未見

黃虞稷曰建安人入元不仕

張氏沂辨經正義

七卷

佚

俞氏酉發經傳補遺

三十卷

佚

鎮江府志俞酉發字明叔德鄰之弟咸淳中以明經試太學後隱

居不仕

陳氏普六經講義

佚

周氏明辨五經手判

宋志六卷

佚

亡名氏授經圖

宋志三卷

佚

崇文總目不著撰人名氏敘易詩書禮春秋三家論語孝經之學
師承相第系而為圖

兼講書

宋志五卷

佚

九經要略

宋志一卷

佚

六經疑難

宋志十四卷

佚

九經經旨策義

宋志九卷

佚

六經奧論

六卷

存

黎温序曰經以載道先儒言之備矣蓋易以究陰陽書以道政事詩以理性情春秋以明褒貶禮以謹節文樂以致中和故潔靜精微易教也疏通知遠書教也溫柔敦厚詩教也屬辭比事春秋教也恭儉莊敬禮教也廣博易良樂教也是以聖人作經垂訓之功不亦大乎昔者周衰六經厄於秦火漢室奮興始除挾書之律經籍漸出諸儒傳於殘編斷簡之中山巖屋壁之內晉唐以來莫有發揮迨乎宋德隆盛五星聚奎文運光啓治教休明而應生於濂洛關閩之羣哲於是諸經皆有傳義之說如日麗中天聖道不顯而頓回鄒魯洙泗之風教粵若夾漈鄭先生名樵字漁仲莆陽人

亦出於宋隆平之世典教之際述作是書而爲六經管轄之論啓其關鍵闡發幽秘俾學者直覩升堂之精蘊是則有功於聖門誠不鮮矣温自往年遊於盱郡常請益於灣溪子由危先生講論之暇出家藏厥祖訓導邦輔所錄是書啓誨於温旣而舊冬遂請是稟敬攜入於書林一日訪謁日新劉氏克常細閱其義欣然珍留擊節歎曰滄海誠有遺珠矣而請予校正之予竊謂是書一出則六經之奧昭然不惟天下學者之有幸也

按世傳六經奧論六卷成化中盱江危邦輔藏本黎温序而行之云是鄭漁仲所著荆川唐氏輯稗編從之今觀其書議論與通志略不合漁仲嘗上書曰十年爲經旨之學以其所得者作書考作書辨譌作詩傳作詩辨妄作春秋考作諸經序作刊繆正俗跋五六年爲天文地理蟲魚艸木之學所得者作春秋列國圖作爾雅注作詩名物志而奧論曾未之及則非漁仲所著審矣

經義考卷二百四十六

秀水 朱彝尊 編

男 昆田 校

羣經八

馬氏定國六經考

佚

王氏若虛五經辨惑

二卷

存

姚氏樞等五經要語

未見

黃虞稷曰至元三年姚樞竇默王鶚商挺楊果等纂進凡二十八

類

熊氏朋來五經說

七卷

存

南昌府志熊朋來字與可豐城人咸淳甲戌進士仕元為福清州

經

義

考

卷二百四十六

中華書局聚

判官

陸元輔曰易說一卷詩書說一卷春秋說一卷三禮說二卷大小戴記說一卷雜說一卷

胡氏炳文五經會意

未見

凌氏堯輔大學中庸孝經諸書集解音釋

佚

戴表元序曰儒者之說其精者爲道德而麤者爲禮樂刑政當三代以前雖世治有斷續而二說未嘗一日廢於天下書之所存者略也周之既衰禮樂刑政盡壞道德茫然無所附麗夫子不得已始與其徒共詳之於書書詳而後世之託言者始雜然自其徒相繼皆沒之後千有餘年往往嘗有窮經學古之彥不以世故動心枯然自守師說於山林艸澤閒宜舉一世不好之而不變聲薰氣染之久而亦或爲人所采拾道德之緒餘禮樂刑政之髣髴因之而不墜者什五至於近代濂洛之派興於雜書之中定著其書通於夫子者曰子曾氏子思氏子孟氏而上三氏之書存者曰孝經中庸大學孟子若論語又孔門之高弟共爲之尤精者也爲之披

微文挾沈辭使尋源者不迷其津趨途者不昧其岐有功哉濂洛之徒皆沒說者又雜考亭朱先生出又取濂洛之已詳者與其徒皆明之故孝經有刊誤論語孟子有集注大學中庸有章句以迨太極西銘通書之類凡殘編斷簡之關於義理者舉有訓解其徒之書予之資雖鈍猶得而窺之其徒之人爲余之先猶得而知之顧歲月推移風氣變化資品之尤鈍於予者則不及預此矣予白首東來乃始獲聞番陽有雙峯饒君者嘗學於考亭之門人而於考亭之書鑽研探索纂述彙敘其意猶考亭之於濂洛也久之是其游饒君之門而於饒君之書又如饒君之於考亭也嗚呼茲非予所謂窮理學古之彥不以世故動心而枯然自守師說於山林艸澤閒者耶堯輔歸而於是書也益弘其入謹其出弘且及於伏生申公之年其有欲聞道德禮樂刑政之說者不以屬君之徒而誰耶

王氏希旦五經日記

未見

黃虞稷曰字葵初德興人隱居著書累徵不起又有書易通解

李氏恕五經旁注

六卷

未見

楊士奇曰廬陵李省中先生名恕與龍麟洲劉水牕同輩行五經者易書詩論孟旁注簡明切當便於學者

何氏異孫十一經問對

五卷

存

楊士奇曰此書為小學設所謂十一經者書詩春秋儀禮周禮禮記論語孝經大學中庸孟子不及於易者非小學所及也

黃虞稷曰設為經疑以為科場發問對策之用

周氏聞孫五經纂要

佚

蕭氏志仁經解佩鱗錄

十卷

佚

江西通志蕭志仁字無惡廬陵人

張氏頴四經歸極

未見

潘氏迪六經發明

未見

姓譜迪元城人歷官國子司業集賢學士

余氏國輔經傳考異

佚

吳澂序曰金谿余國輔輯經傳考異以予之亦嘗用力於斯也俾序其首予少時讀經書疑其有誤字錯簡處必博考詳訂而是正之一日有先生長者見其一二叱責曰聖經如天之日月千古不易何可改耶汝何物小子而僭妄如此予鞠躬謝過曰父師之教敢不承乎第古書自秦火之餘炎漢之初率是口授五代以前率是筆錄口授者寧無語音之訛筆錄者寧無字畫之舛語訛字舛爲經之害大矣不訂正而循襲其訛舛強解鑿說不幾於侮聖言與予之訂正也豈得已而不可者哉況一一皆有案據曰某本作某字或先儒曾有論義曰某字當作某字未嘗敢自用意點竄也先生長者不領予說予亦不能從其言而遂止然於此每兢惕謹

珍做宋版印

審而不敢苟國輔老成之儒顧亦同予少時之癖而所去取不悉與予同何當聚談細細商略以歸於至當之一

舒氏天民六藝綱目

四卷

存

馬氏瑩五經大義

佚

柳貫誌曰馬氏諱瑩其字仲珍世家建德縣之新亭鄉精研經史旁連諸子百家下逮山經地志謠俗方言朝披夕攬華嶠英延祐科興始用春秋舉上不利後更用禮記亦不利彙次所著五經大義四書答疑又手選唐五百家詩五卷宋南渡諸家詩一卷別有講義讀書紀各二卷藏於家

瞻氏思五經思問

未見

歐陽氏長孺九經治要

十卷

未見

張萱曰元皇慶閒歐陽長孺采九經之要輯爲一書自君臣以至朋友自治心以至治天下分爲六門凡七百九十三章共十卷

杜氏本四經表義

佚

江西通志杜本字伯原清江人隱居武夷山文宗徵之不起後至元閒復召爲翰林待制稱疾固辭學者稱爲清碧先生

黃氏澤六經補注

佚

吳澂序曰先聖王之教士也以詩書禮樂爲四術易者占筮之繇辭春秋者侯國之史記自夫子贊易修春秋之後學者始以易春秋合先王教士之四術而爲六經經焚於秦而易獨存經出於漢而樂獨亡幸而未亡者若書若禮往往殘缺惟詩與春秋稍完而已漢儒專門傳授守其師說不爲無功於經而聖人之意則未大明於世也魏晉而唐注義漸廣至宋諸儒而經學之極盛矣程子之易立言幾與先聖並然自爲一書則可非可以經注論若論經注則朱氏詩集傳之外俱不能無遺憾也後儒於其既精既當者或未能嚼味其所可取則於其未精未當者又豈人人而能推索

其所未至哉予嘗於此重有慨焉而可與者甚鮮也蜀儒黃澤楚望貧而力學往年初識之於筠今年再遇之於江讀易詩書春秋及周官禮記悉欲為之補注補注之書未成而各經先有辨釋宏綱要義昭揭其大而不遺其小究竟謹審真有灼見先儒舊說可從者拳拳尊信不敢輕肆臆說以相是非用功深用意厚以予所見明經之士未有能及之者也晚年見此寧不為之大快乎楚望不輕以示人而德化縣令王君乃為鋟梓以傳予歎美之不足因以諭於學者蓋於諸經沈潛反覆然後知其用功之不易用意之不苟云

翼經罪言

佚

吳氏仲廷經傳發明

未見

宋氏元翁五經約說

佚

袁桷序曰古之學者三十而五經立方其時以力田致養為先本春出於野冬始入邑其勤懇懇然日不能給暇日入學歲率不滿

十旬焉噫何其敏且成如是之易也蓋先王盛時鄉遂溝洫之制
明冠昏賓蜡之禮具弦歌俎豆鐘鼓弓矢之備周旋品節皆身親
而日化則所謂通其義者道德性命之理也簡牘日繁專門經師
夸宏務奇漢世儒者白首莫一微言既絕掇拾枝蔓而媮意惰業
率自涯而返良有以也夫子之翼易二戴之傳古禮解經之準的
也訓詁別立爲小學析文以言字因字以言義究其大較邈不相
入然則士何自知經旨哉唐孔賈氏尊漢儒宗知其迂陋猶旁諱
曲覆如臨師保不敢有犯獨啖趙出口指摘無所避劉原父氏歐
陽氏始慷慨直論未幾言經者銖分毫別疆畫同異亦駸駸乎漢
儒矣夫一道德而同風俗作者之事也復古而不至焉者儒者之
責也六藝之道德莫急於禮樂樂書廢已久而儀禮訖不得立學官
遺音舊器莫可尋辨登降進退揖讓之損益臨事取具跂就企及
卒泥夫近古吾獨謂學古之士猶足以語夫此也廬陵宋元翁爲
童子時能明經明經舉廢已久獨元翁興起其事弱冠復約爲大
義先王墜典炳然其專美矣夫天人之奧昔人之所罕言而昔之
耳聞目見接熟素履今皆棄置不講元翁氣清德茂養泉糞木必
以源本約而同之與道俱會後之學者將由是則焉敢誦所聞而

美之

歐陽氏佚五經旨要

未見

閩書佚字以大長樂人舉進士不第隱居著述學者稱道江先生

陳氏樵經解

未見

江氏逢長七經要義

未見

黃虞稷曰字虞卿歙人元崇德州教授

雷氏光震九經輯義

五十卷

佚

吳氏師道三經雜說

八卷

未見

黃虞稷曰易詩各一卷書六卷

楊氏叔方五經辨

佚

吉安府志楊叔方吉水人號學睡先生以經學授清江范德機以曆法授寧都習吉翁

曾氏巽申經解正訛

未見

黃虞稷曰永豐人官應奉翰林文字

李氏好文端本堂經訓要義

十一卷

未見

元史至正九年順帝開端本堂命皇太子入學命李好文以翰林學士兼諭德好文取史傳及先儒論說關治體協經旨者做真德秀大學衍義之例爲書十一卷名曰端本堂經訓要義奉表以進詔付端本堂命太子習焉

李氏仁壽諸經衍義

未見

黃虞稷曰字山甫龍泉人元季婺州教授

趙氏居信經說

未見

唐氏懷德六經問答

佚

黃虞稷曰字思誠金華人仲友七世孫許白雲弟子元衢州學錄

陳氏剛五經問難

佚

楊氏維楨五經鈐鍵

未見

葉氏失名經疑

佚

趙孟頫序曰大凡讀書不能無疑讀書而無所疑是蓋於心無得故也無所思則一所思不思矣何疑之有此讀書之大患也善讀書者必極其心思一字不通弗舍之而求一句一句不通弗舍之而求一章一章不通弗舍之而求一篇夫如是則思之深思之深

則必有疑因其疑而極其心思則其有得也凡書皆然經爲甚何者六經其來最古傳之久而訛謬生焉以今人而臆度古人吾見其不能矣則夫疑之多也何怪通川葉君白首於六經凡有疑皆萃而爲一編其疑之淺深固未易遽釋而其所以疑者有以見葉君之用心於經書而非泛泛口耳之學所可同年而語矣葉君以僕嘗從事於此不遠千里來求敘引故敘其所以疑者覽者其詳諸

陳氏失名五經直音

未見

黃潛跋曰周都官爲汴都賦至使人不能讀雖以樓宣獻公之博洽而爲之音釋其弗知而闕焉者蓋多矣嗟乎聲韻母也文字子也子非母不生執其子以求其母而不得乃憧憧若是耶易書詩禮春秋之文昭揭千古學士大夫童而習之非若夫賦汴都者之鉤奇撫隱而使人不得其讀也直音蓋舊有其書陳君是編不過蒐其脫遺摘其舛謬爲力亦易耳雖然不能讀汴都賦何害六經之書一失其讀則二三聖人傳心之要旨經世之大教所賴以存者幾希矣夫使之日星垂而江漢流者陳君是編不有助乎方之

樓公竭精憊神於蟲魚石樹之細者不又有閒乎然予聞有直音有反切反切之法本於西土今譯人所用二合字是也陳君目是編曰直音而兼用反切者蓋變例也誠懼夫音之未易以直盡也是抑可尚也

亡名氏六經圖

佚

朱善序曰古之學者有書必有圖何也不得於理則必求諸書而古人之傳授可見已不得於象則必求諸圖而古人之制作可考已此圖之與書所以可相有而不可相無也六經有圖其來已久然兵變之後古書存者十無一二況於圖乎豫章李君用初家藏六經圖甚古予嘗得借是圖而觀之以天文則中星有堯典月令之異同以地理則疆域有禹貢春秋之沿革以人文則儀禮之有詳略官制之有繁簡城郭宮室宗廟井田會同軍旅冠昏喪祭衣裳弁冕旌旗車輅邊豆簠簋圭璋琮璜凡文質之有損益以物理則昆蟲草木鳥獸魚鼈之細微又於詩爲特詳然五經之圖可觀者象而已若易則伏羲先天四圖邵子終日言而不離乎是其爲理也微矣文王後天方位雖不與先天同然先天純乎天理後天

各以人事體用一源顯微無閒其有功於天下後世一也易圖之外益之以揚子之太玄司馬之潛虛邵子之皇極經世使學者可以一覽而得其大概好學之士果能兼此六圖而並觀之譬諸千蹊萬徑皆可以適國但得一道而入何患學之不進哉用初將命工摹寫且與同志裒金刻梓以廣其傳茲事若成其有功於學者多矣豈曰小補之哉

經義考卷二百四十六

卷之六

參笑信曰小論文苑

工筆寫且與同志觀金夜時以畫其真意每畫其有以
其真意畫而為畫國回第一畫而久向建華人不畫用
也一畫而對其大觀其真文士果其真也六國而畫
其真文以對其大文司理之畫其真也六國而畫其真
各以入畫其真一畫其真其真也六國而畫其真也

經義考卷二百四十七

秀水 朱彝尊 編

男 昆田 校

羣經九

孔氏克表等羣經類要

未見

黃虞稷曰明太祖命儒臣孔克表劉基林温等以恆言注釋羣經使人易通曉親解論語二章以為之式克表等承命釋五經四書以上賜今名

吳氏沈六經師律

一卷

闕

沈自序曰嗚乎兵者國之大事也聖人之所罕言而不敢輕用者也古之時文武為一塗士之陞未嘗不知兵也後世析文武為二岐而兵之學寡矣有能言者下之人不以為狂則上之人必以為諱幸四方之無虞宜無事乎此也苟或有警將求若人而用之不亦遲乎古之兵謀戰策多矣歷代以來散亡略盡今之存而顯顯

者七書而已七書者司馬法六韜孫子吳子尉繚子三略唐太宗李衛公問對也前代嘗以之頒布武學令天下誦習之謂之武經世之談兵者尊之仰之真猶儒者之於六經也夫行師不法聖人則是爲暴曾謂彼七書而可以爲萬世不刊之典乎何當時之襲陋而不悟也以七書考之三略尉繚子已有可疑漢志雜家尉繚子二十九篇兵形勢家又有三十一篇今書有二十三篇則不知果有本真否三略三卷經籍志云下邳神人所撰其亦信然乎若太公六韜與李衛公問對則灼然依託者也其爲古書而可信者司馬法及孫吳乎太史公稱司馬法閎廓深遠雖三代之法未能究其義漢時存者百五十五篇班固入之於禮今之存者僅五篇而已蓋昔者齊威王使其大夫追論古司馬兵法附以先齊大夫田穰苴之說號曰司馬穰苴兵法五篇之傳其穰苴之遺乎然亦非齊之全書矣吁先王之兵制盡在古司馬而今不可得見矣宜孫吳之歸然而獨高也班固志藝文時兵家者流總五十三家七百九十篇而孫子冠其首觀於十三篇之書備奇正用機權審彼度己先計後戰變化開闔其用不窮亦深妙矣哉雖然謂武之書爲秦漢兵學之祖則可謂三代之兵學亦若此則不可聖人之兵

昭文德而威不軌者也所以生人也非殺人也禦亂也非爲亂也
尚義也非尚詐也孫子曰兵者詭道也吾恐其非聖人意也世道
日貶民論曰卑論將帥則以勇壯擊刺爲賢能語行陣則以奇詭
設伏爲巧妙若曰我將動之以仁義行之以禮讓雖三尺之童亦
指以爲迂闊而不切矣昔者荀卿子之非孫吳有曰彼孫吳也上
勢利而尚變詐者也又曰齊之技擊不可以遇魏之武卒魏之武
卒不可以直秦之銳士秦之銳士不可以當桓文之節制桓文之
節制不可以敵湯武之仁義伊呂之將子孫有國與商周並孫吳
之徒皆身戮於前而國滅亡於後報應之勢各以類至其說可謂
當哉至揚子雲亦復不喜孫吳而曰不有司馬法乎子雲之不喜
孫吳其意美矣然不知當時子雲所見司馬法乃古之書耶抑穰
苴所述之遺耶聖人於師中之事雖未嘗一一悉言而其宏綱大
用則豈不可得而窺哉蓋兵之始作也非聖人之私意也天地之
所造設聖人觀法之而已掌之有其官定之有其制教之有其時
備之有其素歌詩以勞之誓戒以齊之上順乎天下應乎人廓然
大公至正之心炳然神武不殺之德豈孫吳之所可得而測識哉
閒嘗不自揆度以易詩書禮論孟諸經其言其義有涉於師政者

輯錄而類聚之定爲五篇一曰兵象二曰兵用三曰兵禮四曰兵
詩五曰兵訓總而題之曰六經師律竊取子朱子儀禮集傳師田
篇之意而不自知其不可也若乃春秋二百四十二年之閒諸侯
之強大僭侈兵法軍制俱非先王之舊曰侵曰伐曰圍曰入曰追
曰擊曰襲曰取曰收曰滅聖人不厭其書於簡冊者誠誅其黷武
之罪以示萬世之防學者當自其全經而講焉不得而盡錄也至
於夾谷之會則以吾夫子之文德武備於是可見故特取之以繫
於兵用之篇嗚呼有國家者於平居暇豫之日能謹夫修齊治平
之道兵無由而作矣如其萬一猶當按聖人之遺經法聖人之運
量豈不足處天下之大事平天下之大艱而又奚暇於孫吳乎此
是編之所以一本於經而不容附以他書之說也天下之事固有
以新奇而爲世所好者亦有以陳常而爲世所厭者有人於此曰
我善爲孫吳則必肅然聽之矣如曰六經之中未嘗無兵法存焉
則必譁然難之矣習俗之移人至此乎方當四方合一文治聿興
之時草茅之士得以餘力及此極知牽綴聖人之經犯非所當言
之戒其罪無所逃之然有備可以無患者古所以制今世之君子
當有採焉

趙鶴曰字濬中正傳子蘭谿人洪武中召為翰林待制陞東閣大學士

按師律五篇今惟兵禮一篇載於金華文統

董氏彝經疑問對

十卷

未見

黃虞稷曰字宗文樂平人元至正閒領鄉薦入明為國子監學錄

陶氏凱九經類要

一冊

未見

右見菴竹堂目

徐氏蘭五經文格

未見

黃虞稷曰洪武初人

范氏祖幹羣經指要

未見

蔣氏悌生五經蠡測

六卷

顯禮記闕

悌生自序曰愚幼讀書略曉文義其或未通師友問辨既退猶有疑未釋者及壯至老其素所嘗疑尋經傳本旨反覆參究旁摭證據疑終未能解所恨窮居僻處孤陋寡聞不能訪求良師益友以質所疑每欲筆而志之以俟後之同志又恐獲僭議先儒之罪握筆屢投者有日今老矣輒復編而紀之名曰蠹測蓋以愚之膚識淺學而敢輕議先儒得失亦猶以蠹測海多見其不知量之意庶幾他日見者未減僭踰之罪并以平日讀書傳義之外己意管見作爲衍說類附於後或者窮經有知我者於中取其一二焉亦以見予之素心非敢妄爲是言也

黃虞稷曰字仁叔福寧州人洪武初舉明經任本州訓導

李氏本經書問難

未見

黃虞稷曰字孝謙郢人洪武中父仕開有罪本代父輸作以德行

稱

張氏宣五經標題

未見

熊氏釗五經纂要

未見

蕭氏岐經書要義

未見

黃虞稷曰字尚仁泰和人洪武初舉賢良至京授長史辭歸改平

涼府學教授

徐氏原五經講義

未見

黃虞稷曰字均善蘭谿人洪武中以賢良徵為翰林院待詔

黃氏鼎五經精義

未見

江西通志黃鼎字玉鉉吉水人深究六經之旨胡廣鄒緝皆其門

人

賀氏賢五經集解

未見

黃虞稷曰狄道人永樂壬辰進士詹事府少詹事

張氏楷四經稂秕

未見

黃虞稷曰楷字式之慈溪人永樂甲辰進士歷官左僉都御史

黃氏潤玉經書補注

四卷又譜一卷

未見

楊守陳曰先生以四書諸經注家或遺或誤乃撰經書補注

王圻曰黃公補注其言多有可采

周氏洪謨經書疑辨錄

三卷

存

洪謨自序略曰臣昔爲祭酒時旣以辨疑爲職每遇六堂會講之暇諸生有疑而問者必與辨焉欲其易曉初不懼其辭之俚隨其所請亦不計其言之複蓋自漢唐以來經訓不明理學俱晦惟宋朱子洞見精微究極玄奧理學之明如指諸掌至若羣經所載事物之變制度之設有漢唐諸儒不能發明而朱子亦未及發明者有漢唐諸儒所見舛誤而朱子亦襲其舛誤者如羲皇冠服之事

堯舜曆象之政歷代正朔之建明堂之制與夫郊祀社稷宗廟之禮皆先王經世大典奈何一千年閒互承譌謬莫適指歸改正之說既使先王之法上達於天尙右之說復使先王之法下墜於地故臣與諸生答問不得不剖析到底講貫明白其後諸生互錄所得以備參考乃又取而裁之名曰疑辨錄既嘗具本上進以塵御覽復俾諸生各錄一帙以就正於有道之士亦所謂寧爲朱子忠臣毋爲朱子佞臣之意云爾抑此與諸生講辨不得不爾若夫科舉之作文義者仍以大全爲主而無用乎此云成化十六年

黃虞稷曰成化十五年洪謨爲禮部尙書進呈是書多辨朱子解經沿習諸儒之誤

陸元輔曰疑辨錄中諸條閒有言之得當者若周正考一篇主不改時月之說而廣引經傳以證之其說似是而非不若朱子改時改月之爲不可易也其書以成化十五年進呈疏言五經四書雖經朱熹注釋閒亦有仍漢唐諸儒之誤者乞勅儒臣考訂帝曰五經四書漢唐諸儒之誤永樂閒儒臣纂修悉取其不悖本旨者輯錄天下學者誦習已久洪謨乃以己意紛更不允

王氏恕石渠意見

經

義

考

卷二百四十七

五

中華書局聚

二卷又拾遺一卷補闕一卷

未見

周氏安九經圖注

佚

陸元輔曰安字孟泰莆田人家貧遇鬻書者以耕牛易之卒後遺書為外孫所焚鄰人亟拾之得九經圖注制度極精巧見周瑩藏山錄

按瑩亦莆田人正統乙丑進士

支氏立五經解

未見

嘉興縣志支立字中夫正統甲子舉人官翰林孔目

楊氏守陳諸經私抄分見各經

一百卷

存

何喬新志墓曰公居廬讀禮有所得作禮記周禮儀禮私抄繼而旁讀羣經悟先儒注釋不能無失又作孝經大學中庸論孟尚書周易春秋私抄皆正其錯簡更定其章句於諸儒之傳惟是之從

附以己見有不合者雖濂洛關閩大儒之說不苟徇也其校定羣經謂書象以典刑一章乃舜命官之辭詩卷耳乃大夫行役者之作大學本末一章乃治國平天下之傳禮喪大記一篇乃儀禮經文皆超然獨見先儒論議未嘗及是也

程敏政曰先生諸經私抄皆擴前賢所未發使及朱子之門必有起予之歎後此亦必輔朱子傳注行於世

王兆雲曰文懿公博學多識五經四書時有獨見不泥古說錄爲私抄凡百餘卷

黃宗羲曰鏡川長於經術諸經皆有私抄其於先儒之傳惟善是從附以己見有不合者雖大儒之說不苟徇也

李鄴嗣曰楊公私抄不盡從先儒傳注

五經考證

未見

守陳自序曰昔孔子能言夏商之禮以杞宋之文獻不足而不能徵其言竊嘗歎之夫聖人言禮尙欲有所取證況下此者乎六經至秦而亡漢興求之惟得易詩書春秋皆殘闕而樂盡亡矣禮僅有存者小戴氏乃掇拾其亡篇斷簡以爲禮記後人因謂易詩書

春秋并禮記為五經而並傳之經既殘闕亡斷而傳注者又專門
各家人各為說故易或主理或主占詩主美刺春秋主褒貶亦有
不主此者至若三代之正朔則詩與春秋兩傳各異日月五星之
左右旋轉周公之東征則詩書兩傳各異又若易之履霜堅冰魏
志作初六履霜書之上帝割申勸禮記作上帝周田觀詩之假樂
君子顯顯令德中庸以假作嘉顯作憲凡若此者豈可獨信一經
之文徧徇一家之說而已哉蒙少從先大父授讀五經未之講也
今居閑處靜時取五經講之或疑有不能決或見有異先儒者皆
無所取證乃考漢魏以上諸書凡言及五經者各以類抄之庶可
以廣見博聞參考互訂以求至當歸一之論也惜乎世無上古之
典家無四庫之藏無以足吾證耳

李氏東陽講讀錄

四卷

存

程氏敏政經筵講義

四卷又一卷

存

羅氏倫五經疏義

未見

青宮直講

四卷

存

李氏晟六經舉要

未見

黃虞稷曰字孔陽濮州人成化己丑進士爲監察御史以言兵被
謫弘治中上所著六經舉要詔起參謀大同軍事

馬氏中錫箋經寓意

未見

邵氏寶簡端錄

十二卷

存

黃虞稷曰嘉靖四年四月巡撫應天都御史吳廷舉上終養南京
禮部尙書邵寶所著簡端錄學史二書以資啓沃詔下有司

姚氏文灝經說

經

義

考

卷二百四十七

七

中華書局聚

未見

王氏敕五經通旨

未見

山東通志王敕字嘉諭歷城人成化甲辰進士及第歷南京國子

監祭酒

費氏宏經書講義

一卷

存

徐善曰鉛山費文憲公成化丁未賜進士第一累官少師兼太子

太師吏部尚書華蓋殿學士贈太保講義一卷載摘橐中

陳氏公懋經說

佚

孝宗實錄弘治元年五月直隸無錫縣民陳公懋奏上所著書大

要謂尚書周易大學中庸注失經迷臣有一得頗能析理言涉誇

誕通政司言公懋奏內不稱軍民籍自稱庶人凡五經四書集傳

皆我太宗命儒臣纂輯者公懋多穿鑿更改悖理害道乞正其罪

上命焚所著書押遣還鄉

陳氏珂五經發揮

未見

黃虞稷曰字希白錢塘人弘治庚戌進士大理寺卿

陳氏鳳梧六經篆文

四十四卷

未見

趙氏鶴五經考論

未見

陸元輔曰鶴字叔鳴江都人弘治丙辰進士官至按察副使晚著

此書

王氏守仁五經臆說

四十六卷

未見

守仁自序曰得魚而忘筌醪盡而糟粕棄之魚醪之未得而曰是筌與糟粕也魚與醪終不可得矣五經聖人之學具焉然自其已聞者而言之其於道也亦筌與糟粕耳竊嘗怪夫世之儒者求魚於筌而謂糟粕之為醪也夫謂糟粕之為醪猶近也糟粕之中而

醪存求魚於筌則筌與魚遠矣龍場居南夷萬山中書卷不可攜
日坐石穴默記舊所讀書而錄之意有所得輒爲之訓釋期有七
月而五經之旨略遍名之曰臆說蓋不必盡合於先賢聊寫其胸
臆之見而因以娛情養性焉耳則吾之爲是固又忘魚而釣寄興
於麩蘘而非誠旨於味者矣嗚呼觀吾之說而不得其心以爲是
亦筌與糟粕也從而求魚與醪焉則失之矣夫說凡四十六卷經
各十而禮之說尙多闕僅六卷云

黃虞稷曰先生居龍場萬山中默記舊所讀書錄之意有所得輒
爲訓釋

黃氏俊五經通略

二卷

未見

右見聚樂堂目俊武進人弘治己未進士

徐氏潛經筵講義

五卷

未見

陸元輔曰潛中弘治乙丑進士累官吏部左侍郎兼侍講學士諡

文敏

馮氏理五經正議

佚

陝西通志馮瑄字允莊涇陽人南工部尚書貫之子官吳江縣丞

陳氏維之五經辨疑

一冊

未見

右見菴竹堂目

朱氏存理經子鉤玄

佚

錢謙益曰存理字性甫長洲人

戴氏冠經學啓蒙

佚

黃虞稷曰長洲戴冠章甫撰

經義考卷二百四十七

經義

考

卷二百四十七

九中華書局聚

...

...

...

...

...

...

...

...

...

...

...

...

...

...

...

...

...

...

...

經義考卷二百四十八

秀水 朱彝尊 編

男 昆田 校

羣經十

呂氏輯涇野經說

十卷 或作二十一卷

存

陸元輔曰涇野經說周易說翼二卷尚書說要二卷毛詩說序二卷春秋說志二卷禮問一卷共十卷陝西正學書院刊行其門人謝少南序之

王氏崇慶五經心義分見各經

五卷

存

蘇祐曰端溪先生自晉東遷日以著書為事所撰有易經議卦書經說略詩經衍義春秋斷義禮記約蒙深體往哲之精頗定後儒之感

丁氏奉經傳臆言

經義考

考

卷二百四十八

一 中華書局聚

二十卷

存

黃虞稷曰奉常熟人正德戊辰進士

楊氏慎經說叢抄

六卷

存

經子難字

二卷

存

陸元輔曰用修經說喜推陳出新貶駁宋儒然小智則有之聞道

則未也

戚氏雄經子要言

三卷

未見

鄭氏佐五經集義

未見

黃虞稷曰字時夫歙人正德甲戌進士山東按察使

林氏士元讀經錄 附錄

未見

薛氏蕙五經雜說

未見

錢謙益曰蕙字君采亳州人正德甲戌進士授刑部主事病免起改吏部驗封主事歷員外陞考功司郎中嘉靖改元大禮議起撰爲人後解奏下詔獄尋得貴復職

黃氏維經書原古

未見

黃宗羲曰久庵於五經皆有原古易以先天諸圖有圖無書爲伏羲易象辭爲文王易爻辭爲周公易象傳小象傳繫辭傳文言說卦序卦雜卦爲孔子易以大象傳爲大象辭爲孔子明先天易其卦次序亦以先天橫圖之先後又以孔子繫辭言神農黃帝堯舜周易之爲明歷代易又以孔子始終萬物莫盛於艮以闔戶之坤先闔戶之乾乾先後天而推之以爲夏商連山歸藏之次第詩以南雅頌合樂次第於先退十三國於後去國風之名謂之列國魯之有頌僭也亦降之爲列國春秋則痛掃諸儒義例之鑿一皆

以聖經明文為據禮經則以身事世為三重凡言身者以身為類
容貌之類凡言事者以事為類冠昏之類凡言世者以世為類朝
聘之類書則正其錯簡而已此皆師心自用顛倒聖經而其尤害
理者易與詩夫先後天圖說固康節一家之學也朱子置之別傳
亦無不可今以先天諸圖即是伏羲手筆與二聖並列而為經毋
乃以篡竊為正統乎大象傳之次第又復從之是使千年以上之
聖人俯首而從後人也詩有南雅頌及列國之名而曰國風者非
古也此說本於宋之程泰之泰之取左氏季札觀樂為證而於左
氏所云風有采繫采蘋則又非之是豈可信然季札觀樂次第先
二南繼之以十三國而後雅頌今以南雅頌居先列國居後將復
何所本乎此又泰之所不敢也

陸元輔曰黃綰字叔賢黃巖人正德丁丑進士仕至禮部尚書

廖氏道南講幄集

二卷

存

穆氏相五經集序

二卷

未見

姓譜相字伯寅三原人正德辛巳進士監察御史

孫氏宜遁言

經議二卷

存

錢謙益曰宜字仲可華容人舉於鄉上春官不第自稱洞庭漁人

李氏舜臣五經字義

未見

虞氏守愚經書一得錄

未見

姓譜字惟明義烏人嘉靖癸未進士歷官南京刑部右侍郎

陳氏深十三經解詁

六十卷

未見

丁元薦序曰漢儒之解經非必盡出於漢儒也於時去古未遠專門之士各有所承襲以授諸弟子諸弟子轉相授受各成一家之言宋儒起五季後乃銳然舉千聖不盡之言不盡之意斬以一人

發其藏而畫一以示天下萬世凡漢儒所肆力者宋儒弗屑也夫經吾取其布帛菽粟終身而不厭也二曜中天人人指而觀之欲逃焉而無非是也解經者亦若是則已矣昔七十之徒通六藝而遊聖門才穎什伯後世也親聆咳唾然不可得而聞者何限而況影響於三千載之下乎陳先生曰吾取傳合之於經而不得而弗敢強也吾又取宋儒合之乎漢而不得而弗敢強也久而索之得者半求之而得吾兩存焉求而不得衷其近古者因其解而解之烏知夫一變之非嘗鼎哉陳先生諱深字子淵吳興長興人一再官不得意老而喜讀書年八十餘篝燈至丙夜不輟語予曰老夫所苦心者經也將易簣以此執手見託曰幸辱一言比於挂劍之義予心許之又三年而序成先生更有周易周禮春秋然疑若干卷惜散佚不盡傳

鄭氏

世威經書答問

十卷

未見

薛氏甲心傳書院經義

未見

唐氏順之稗編經說

四十一卷

存

宗氏周就正錄

未見

黃虞稷曰周字維翰興化縣人嘉靖辛卯舉人四川馬湖府知府
易五冊書四冊詩三冊春秋六冊禮記六冊四書四冊

薛氏治五經發揮

七十卷

未見

李鄴嗣曰公號曲泉嘉靖辛卯舉於鄉歷官馬湖府同知

蔡氏汝楠說經劄記

八卷

存

胡氏賓六經圖全集

六卷

未見

黃虞稷曰字汝觀光州人嘉靖壬辰進士兵科給事中

馬氏森經筆

一卷

未見

趙氏貞吉經義進講錄

未見

孫氏銓五經述

未見

鄭元慶曰歸安人字揆卿嘉靖戊戌進士歷官陝西按察副使

金氏世龍六經字原

三十卷

未見

黃虞稷曰字孟陽長洲人嘉靖辛丑進士官按察司副使

王氏覺五經明音

五卷

未見

高氏拱曰進經義直解

十卷

未見

陳氏士元五經異文

十一卷

存

士元自序曰暴秦焚書漢興屢下購書之令而經文竟多殘逸所立博士各家師授轉錄不同況漢初文字兼行篆隸後世易以今文豈得盡同又漢儒稱引經語皆出自記憶非有鏤本可校且撰著各成一家言其文自不能同予讀十三經注疏及秦漢晉唐書所載經語有與今文異者輒私識之輯十一卷用示塾童俾得擇取焉

殷氏士儋經筵經史直解

六卷

存

卜氏大有經學要義

五卷

存

徐棡序曰夫作經以載道也譚經以明道也是故有作之者不可無羽翼之者譚經者有志於聖人之道之軌範也構李益泉卜大夫輯秦漢以下諸儒之譚經者昭揭篇章剔釐淵藪嘉惠後學蒸蒸日上感矣蓋道猶梁也經猶棟也作室者有棟梁室斯具矣於是爲榱爲題爲椳爲節爲隱柱爲深聖爲屏以蔽爲牖以通明駢舉而雜出皆作室之要也譚經者無慮千百家人各一言言各一見非發明本旨則攻擊異端剔奧鉤玄旁搜博采弗以要義譚之奚益卜大夫能辨茲矣故於經生之所譚者得其要義焉大夫與予丁未同舉及予撫浙政暇出是編俾弁其端予惠今之士徒譚時藝而不及經義失其本真安望其措之用乎得是編竊心喜爰序之以告窮經致用者

嘉興府志卜大有字

秀水人嘉靖丁未進士令無錫執法不

撓權貴稱彊項中忌者調潛山歷南儀曹郎以忤時宰出爲尋甸守致仕

黃虞稷曰正集四卷補遺一卷

楊氏豫孫經史通譜

一卷

未見

詹氏萊七經思問

三卷

存

揚于庭序曰浙有詹範川先生自其束髮受書勃率理窟多所心
解其言易以爲四圖有功於易而誚歐陽諸人之妄訾其言詩以
爲太師陳詩而被之樂所云不淫不傷者聲也非詞也自文人之
辭出而通於樂者寡矣其言書以爲穆王優於宣王故孔子存君
牙罔命呂刑三篇而於宣不之及其言春秋以爲桓四年七年亡
秋冬二時乃其傳習之訛而非必如胡氏討賊之說其言周禮以
爲春秋戰國傳會之書其言學庸以爲致曲之曲卽獨也如曲宴
曲赦之類大抵其說旁出於百家而折衷於姬孔其造物創獲於
千載之後而其沈思冥搜於千載之前者也先生之子兵備君獻
功又能紹明先生之志而爲之流傳不朽斯亦述作之勝事已
姓譜詹萊字時殷常山人嘉靖丁未進士歷按察僉事

陳氏耀文經典稽疑

二卷

經

義

考

卷二百四十八

六

中華書局聚

存

耀文自序曰余幼業專經竊於餘經有志焉若未逮也入官多暇優於典籍之場凡其不詭於經有裨於傳者咸筆識之久之遂成此編得魚忘筌誠知遺誦然師承各異見以人殊亦起予之志也貽之同好庶幾其狂斐云

方氏弘靜千一疏

經說四卷

存

吳璵曰公歙縣人嘉靖庚戌進士仕至南京戶部右侍郎

羅氏汝芳五經一貫 五經翼注

俱未見

王氏世懋經子臆解

一卷

存

徐氏用檢五經辨疑

未見

黃虞稷曰字克賢蘭谿人嘉靖壬戌進士太常寺卿

李氏材經說萃編

二十九卷

未見

王氏圻續文獻通考經籍考

十二卷

存

俞氏琇五經序

三卷

未見

黃虞稷曰嘉靖初清源知縣

王氏循吉五經圖說

未見

黃虞稷曰開州人嘉靖中獻其書於朝錫號處士

桑氏介五經問答庸言

未見

蘇氏濂石渠意見補遺

六卷

未見

盛氏祥五經彙語

未見

邵武府志盛祥字鳳卿嘉靖間以明經授浙江新城縣儒學訓導

再補泉州府學致仕

周氏家相五經通故

未見

廣信永豐縣志周家相字元忠以貢司南昌訓歷臨洮通判

經義考卷二百四十八

十二卷

王月世齋文燭通考經義考

未見

二十九卷

李月林齋待奉齋

經義考卷二百四十九

秀水 朱彝尊 編

男 昆田 校

羣經十一

于氏慎行經筵講章

未見

朱氏廣經筵講章

未見

馮氏時可談經錄

一卷

存載集中

張氏位經筵講義

二卷

未見

包氏萬有五經同異

二百卷

未見

鄧氏元錫五經繹

十五卷

存

王氏應電經傳正譌

一卷

存

應電自序曰予觀說文所引五經字與今文絕異蓋許氏當東漢時猶及見古文故所載如此今之經文不知幾更翻摹之手故與許氏不同也世之習經者惟知有今文而書字者惟知趨簡便謬將何極今姑據說文所載及淺近譌謬之甚者稍加訂正不賢者識其小者非所重也

朱氏睦律五經稽疑

六卷

未見

王世貞序曰大梁周宗正灌甫氏少負異質以古文辭名中原顧意殊不屑之汎瀾百氏且徧於是盡治六經取諸傳疏訓故無慮數十百家臚列於目而惟吾之汰苟其是則不以世之所忽遺者

而廢吾是苟其非則不以世之所趨沿者而廢吾非其所治經文訛者正之衍者去之錯者理之若禮經而非出於聖人之筆則糾之今所行六卷彬彬焉足稱爾雅矣

授經圖

二十卷

存

睦樛自序曰予觀崇文總目有授經圖不著作者名氏敘易書詩禮春秋三家之學求其書亡矣及閱章俊卿考索圖六經皆備閒有訛舛余因考之蓋自東漢以下諸儒授受尠有的派云其經義或私淑或自治或受之國學俱繫之爲某受爲某傳可乎余於是稽之本傳參之諸說以嘗請業及家學者各爲之圖以一二傳而止者亦錄之以備咨考舊圖俱無傳圖後或錄經論數條而諸儒行履弗具使覽者不知其爲何如人也余旣爲圖復摭撫其要而作傳無關經學無裨世教者皆略焉傳成以諸儒著述及歷代經解附之釐爲四卷藏之家塾以俟同好庶斯道之不墜也

黃虞稷曰本崇文總目中授經圖之意著五經授受諸儒同異及古今經解目錄成編錢氏列朝詩集作五卷

經序錄

五卷

存

周大禮序曰予昔遊梁宋識宗室西亭公公修學好古嘗得唐李鼎祚周易集傳槧版行於世又爲諸經序錄凡爲經之傳注訓詁者皆載其敘之文使世之學者不得見其書而讀其序固以知其所以爲書之意庶以廣其聞見而不安於孤陋實嘉惠後學之盛心也昔孔子修述先王之經以教其門人傳之世世不絕遭秦焚書漢儒存亡繼絕不遺餘力自此六藝稍稍備具太常之所總領凡十四博士而古文尙書毛詩穀梁左氏春秋雖不立學官猶推高第爲講郎給事近署而天子時會羣儒都講親制臨決所以網羅遺軼博存衆家其意遠矣沿至末流旋復放失則鄭王之易出自費氏而賈逵馬鄭爲古文尙書之學孔氏之傳最後出三禮獨存鄭注春秋公穀浸微傳詩者毛詩鄭箋而已唐貞觀閒始命諸儒萃章句爲義疏定爲一是於是前世儒者僅存之書皆不復存如李氏易解後人僅於此見古人傳注之一二至啖助以己意說春秋史氏極詆其穿鑿蓋唐人崇進士之科而經學幾廢故楊綰

鄭餘慶鄭覃之徒欲救其弊而未能也宋儒始以其自得之見求聖人之心於千載之下然雖有成書而多所未盡賴後人因其端以推演之而淳祐之詔其書已大行於世勝國遂用以取士本朝因之而學校科舉之格不免有唐世義疏之遺非漢人宏博之規學士大夫循常守故陷於孤陋而不自知也予自屏居山林得以遍讀諸經竊以意之所見常與今之傳注異者至如理象之殊而圖書大衍用九用六之論未能定也古今文之別而豫章晚出之書未能釐也三百篇之全而桑閒濮上之淫音未能黜也褒貶實錄之亂淆而氏族名字日月地名之未能明也郊邱混而五天帝昆侖神州之一而始祖之祭不及羣廟也洪範以後金縢召洛二誥之疎脫非朱子之遺命也開慶師門之傳非鄭氏之奧義也紹興進講之書非三傳之專學也則王柏金履祥吳澄黃澤趙汭卓越之見豈可以其異而廢之乎歐陽子曰六經非一世之書其將與天地無終極而存也以無終極視千載於其閒頃刻耳則余之待於後者無窮也嗟乎士之欲待於無窮者其不拘牽於一世之說明矣道遠不能與西亭訂其疑義而序其略如此云

杜氏質明儒經翼

經

義

考

卷二百四十九

二

中華書局聚

七卷

未見

貢安國序略曰吾友杜質氏壯年從學五十有聞念聖經久湮而明儒之論有契於古者采輯成編皆有本之言將以羽翼六籍俟諸百世輯既成梅守德純父氏題曰明儒經翼予又為敘其編次大意云

梅文鼎曰質寧國太平人

吳氏繼仕七經圖

七卷

存

經原宗統

四卷

存

查嗣瑛曰繼仕字公信徽州人

瞿氏九思六經以俟錄

存闕

黃虞稷曰黃梅人萬曆癸酉舉人以進所著書授翰林院待詔

姚氏舜牧五經疑問分見各經

六十卷

存

唐氏伯元醉經樓經傳雜解

一卷

未見

胡氏應麟六經疑義

二卷

未見

馮氏琦經筵講義

一卷

存

沈氏堯中學說經籍說

三卷

存

郭氏正域十三經補注

未見

經

義

考

卷二百四十九

四

中華書局聚

談遷曰正域字美命江夏人萬曆癸未進士改庶吉士授編修歷中允諭德庶子遷南國子祭酒陞詹事掌翰林院進吏部右侍郎卒諡文毅

姜氏應麟五經緒言

未見

周氏應賓九經考異

十二卷逸語一卷

存

應賓自序曰九經者合四書五經而名之也夫經湮於秦而復出於漢其閒簡編之刊缺語音之齟齬固已家異而人不同矣況夫古文變而篆篆變而隸隸變而今文其爲魯魚亥豕之誤夫豈少哉頃予讀禮多暇閒取許叔重說文時披覽之見其所引論語詩書多與今文不合遂取石經殘碑及十三經注疏摘其同異者纂而次之已又旁採漢書史記以及唐宋諸儒論撰凡有關於經文者悉彙焉意欲備一家之言而未竟也晚乃得應城陳君五經異文讀之則知昔人於此固已先得我心之同已陳君最稱博洽無書不搜然其所遺尙十有二三而陳之所有者余或未之悉也乃

知討古之難有如漁獵竭澤以漁而魚終不可盡焚林以獵而禽終不可盡也況陳君所輯止於五經而四書不備猶爲缺典予遂竟成此書以示後學庶使廣聞博見無專門之陋焉若曰立異幟以熒世則予烏敢

王治皞曰鄆縣人萬曆癸未進士累官太子太保禮部尙書

徐氏常吉遺經四解

四卷

未見

六經類雅

五卷

未見

唐公文獻青宮進講經義

二卷

佚

郭正域作傳曰予與公自翰林時各以道義相規切公每向予言曰若性直而好盡言殆不免乎後與公共事皇太子講筵戴星而往日午而退冬雪盈尺秋雨如注巖風刮面如削夏日揮汗如雨

不得休八年如一日在事者先後多異同予與公驩然靡閒每五
夜晨起坐直房促膝論心各相勞苦後公請告予亦遷南大司成
各三年而又共講筵暨予攝部事與執政忤言者希旨交章攻擊
予予得請歸知交避匿公率同事送予國門外使人將之潞河爲
一二詩書扇頭語甚激烈憤悱後妖書事起罪人已得執政使其
私人康御史不揚故上章請緩罪人死且曰不數日而渠兄弟當
授首闕下意蓋在予兄弟也上怒罷康御史爲民執政亟救御史
而科臣姚文蔚授意錢夢皋遂上書直以坐予兄弟暨歸德相國
歸德相國在京邸與予兄在國子邏卒如堵牆門晝闔不得開予
日坐舟中道臣希意檄所司譴予出入晝則揚干夜則鳴鉦如防
倭寇而京師捕帥亟請拷予從者使人來予舟中今日械一人去
明日械一人去先後逮去男婦老幼共十五人竹籤釘入手足指
倒懸梁上毒酒灌鼻孔竹刀削兩脅肉片片墮地竟無所得兩月
獄不成子與妻孥不敢歸待命舟中歲且除忽一人自岸躍入予
舟中舟人皆恐問之曰子華亭唐公人索書不得少旋氣定自衣
領中出片紙子識爲公手書書曰上神聖知公冤湯網解矣執政
爲公論所執且舍妖書揚帆而向楚事其本志也公姑任所爲第

不死耳予讀公隻字若金鷄口中吐出温綸自天而降又旬日公復以其人出數十金畀子則公與晉江李公楊公粵西蕭公各捐俸金助予爲道里費先是予第三子生僅十日而冒雪以行會京師以三十卒來予舟中械乳媪之夫李奴以去媪日夜哭乳漣不流兒幾不保蓋諸臺省授意一總帥得一青巾方士持白蓮呪使李奴誣予服不可得公又以人來唁予予告之故公從總帥處力爭之釋李奴以歸乳媪夫婦抱頭哭若更生兒得不死公之力也嗚呼當是時彼方張彌天之網焚燎原之焰起滔天之浪誰敢問予名姓獨龍江沈公以其家人來貺予牢醴暨同年牛御史導予出疆今御史熊君自保定以酒百尊畀予爲禦寒具淮陽李中丞贈予道里費而已後半年予得歸亦不知難之所由解也人自京師來者乃言難起時公率署中一二同志謂於執政曰外人謂宗伯且不免實相公有意殺之執政色亦踟躕無所容揮茗灑地告天爲誓公又婉言曰二三子亦知相公無此意無如臺省之望風而下石何相公不力訊此獄是有意乎與此獄何以解於天下後世執政氣奪不能出一語會御史大夫温公與御史牛公應元湯公北京沈公裕喬公應甲俱執不肯署又南道御史朱公吾弼上

疏稱予與李伯宗俱社稷臣李亦告去當令二人各出視事上神聖廉予無罪中貴之賢者亦婉言勸執政事遂得寢嗚呼微公始終諄諄以直言奪時宰之魄以大義激發二三正人君子予無生理矣莊生有言大旱金石流土山焦而不熱大浸稽天而不溺公之謂乎公生平侃侃大節如庇李司諫之死卹華司理之獄白趙少宰之枉海內爭頌之又京察時執政欲庇署中一二私人公方在告執政竟入坐公床上爲公請竟不可得噫詞人之於政府如家人然所頤指靡不披靡疇有岳岳如公者乎公生平巖請託絕附麗以清白聞詩有輞川之致文如陸敬輿其爲人似李元禮不可奪字畫道媚似趙孟頫初生時父夢巨星麗於堂皇有印如斗狀元及第官僅少宗伯贈禮部尙書諡文恪位不酬德年不逮官命矣夫其他懿德美行載諸公誌狀中不贅公名文獻字元徵華亭人有子允恭允釐

李氏鼎經詰

四卷

存

黃虞稷曰字長卿新建人萬曆戊子舉人鄭洛軍前贊畫

按李氏經詁四卷論語凡一百一十五條大學二十四條
孟子二十四條詩經一十六條

經義考卷二百四十九

卷之四十八

二十四

四卷論語只一百一十五論大學二十四論

經義考卷二百五十

秀水 朱彝尊 編

男 昆田 校

羣經十二

焦氏東宮講義

六卷

存

郝氏敬九部經解

一百六十五卷分見各經

存

敬自序曰余蚤歲授詩成進士三試為宰再補諫官十年之內兩黜考功子云誦詩三百授之以政不達予心慙焉甲辰歲遂棄官隱一畝之宮僻在荒郊衡門長掩永日無事乃取經籍課誦久之於訓詁外微有新知苦性鹵隨事備忘前後涉獵九經為九解分九部乃銓九敘曰庖犧作易文王演序周公繫爻孔子贊翼四聖相授道本一致百家之說紛然煩碎執義者遺象徇象者失意邵雍圖先天分易為二考亭守著筴義主卜筮小道可觀致遠恐泥

緯稗亂正易道旁驚矣作周易正解部第一四代之書邈茲逖矣
漢之伏生九十記憶太常晁錯踵門肄習凡得二十有八篇真四
代之弘璧已晚出古文託各孔壁良苦真贗實不相襲而二千年
砥硤混其良玉不可以弗別也作尙書辨解部第二詩三百五篇
授自毛公古序精研六義明通考亭氏盡改其舊斥爲鑿空遂使
雅頌失所國多淫風先進後進吾誰適從其毛公乎作毛詩原解
部第三孟子云王者迹熄而作春秋五霸得罪三王春秋爲五霸
而修也世儒誣仲尼獎五霸貶天子退諸侯吾聞諸夫子直道而
行與民共由豈其講張名字深文隱語如世所求乎作春秋直解
部第四禮家之言雜而多端迂者或戾乎俗而亡者未覩其全蓋
記非一世一人之手而道有所損所益之權訓詁之士鑿以附會
理學之家割以別傳辭有純駁義無中邊舉一隅則矛盾觀會通
則渾圓作禮記通解部第五儀禮十七篇禮之節文耳先儒欲引
以爲經夫儀烏可以爲經也儀者損益可知而經者百世相因其
辭繁而事瑣或強世而違情昔之讀者苦於艱深支分節解盤錯
可尋也作儀禮節解部第六周禮五官終始五行司空考工水藏
其精緯象之言縱橫之心說者謂是書周公所以致太平六官錯

簡河閒補經世儒因加考訂而不知本非闕文也作周禮完解部第七天縱上聖爲斯文主弟子問道而作論語廣大精微包羅萬有無行不與誰不由戶四時行生日月開牖大道忘言默識善誘小子何述詳說以補作論語詳解部第八戰國塵風處士橫議周道榛蕪文武墜地鄒魯相近澤未五世孟子願學曰私淑艾七篇之言居仁由義稱述堯舜入孝出弟守仲尼之道以待後之學士反約則同詳說豈異作孟子說解部第九書成通爲卷一百六十五爲解一百六十七萬言起草於乙巳之冬卒業於甲寅之春越六年己未殺青斯竟

李維禎曰仲輿病漢儒之解經詳於博物而失之誣宋儒之解經詳於說意而失之鑿乃自爲解易解曰正尙書解曰辨詩解曰原春秋解曰直禮記解曰通周禮解曰完儀禮解曰節論語解曰詳孟子解曰說質之理而未順反之心而未安卽諸大儒訓詁世所誦習尊信必明晰其得失要以不失聖人之心不悖聖經之理而止起漢宋諸君子九京而與之揚扈必爲心服首肯矣豈若劉綽輩織綜經文詭其新說異彼前儒非險而更爲險無義而更生義者乎

經解緒言 一名山草堂談經

九卷

存

敬自序曰聖人雅言詩書執禮而著之經經者聖人之文也夫子謂文王既歿文不在茲故贊易作文言文言者聖人所以談經也士修文而不明經舍秋實而采春華也予椎魯無文蒙受一經垂老涉獵旁通發揮而喜於談說家無好學子弟外無師友環堵一室抱膝伊吾時有所會手口共語要之不越六經糟粕耳士大夫羣居議論時政月旦人品區區掃軌杜門二十年耳目面牆惟於几案閒親聖賢薰炙而相師友不啓不發欲言而誰與言欲不言而終古茫昧困蒙不告寧秦越人之肥瘠與解經暇日撮其瑣言題曰談經昔秦之談士引經非時而因以禍經晉之談士舍六經談老莊而因以誤國由斯以談談何容易吾夫子終日言然頗惡人之空談者故曰予欲無言默而成之存乎德行則予又似多言矣

曹氏學 伍五經困學

九十卷

存

學佺自序曰或問於予曰子之注釋五經也何故曰子蓋欲修儒藏焉以經先之也擷四庫之精華與二氏爲鼎峙予之志願畢矣問子之釋五經也與漢宋諸儒異乎同乎曰子固不敢立異於諸儒而亦不能以盡同也曰子之名困學也何故曰昔者夫子發憤忘食樂以忘憂而又曰學而不思則罔思而不學則殆罔與殆皆其所不容不憤也夫子有樂以通之予惟知有憤而不知有樂也夫是之謂學夫是之謂困

錢謙益曰能始著述頗富嘗謂二氏有藏吾儒無藏欲修儒藏與之鼎立采擷四庫之書十有餘年而未能卒業也家有石倉園水木佳勝賓友歛集聲伎雜進享詩酒談讌之樂近世罕有家居二十餘年殉節而死

按曹氏五經困學詩曰剖疑書曰書傳折衷易曰可說又曰通論春秋曰傳刪禮記曰明訓

王氏惟儉經抄

六卷

未見

錢謙益曰惟儉字損仲祥符人萬曆乙未進士以知縣陞兵部主事削籍光宗卽位起光祿寺丞三遷爲大理少卿以僉都御史出撫山東入爲工部右侍郎

熊氏明遇五經約

未見

俞汝言曰明遇號檀石進賢人萬曆辛丑進士累官兵部尙書

蔡氏毅中六經注疏

四十三卷

未見

黃虞稷曰崇禎三年具表進呈

徐氏鑒諸經紀數

十八卷

存

李延是曰豐城徐鑒觀父撰萬曆辛丑進士監察御史巡視南畿

學政

楊氏聯芳羣經類纂

三十四卷

存

繆泳曰楊聯芳字懋實南靖人萬曆辛丑進士仕至貴州按察副使其書以類編之曰君臣曰敬天曰勤民曰節財曰用舍曰學校曰禮制曰樂和曰刑罰曰征伐曰謀斷曰父子曰兄弟曰夫婦曰朋友凡一十五門萬曆癸丑序

樊氏良樞寢言

二十一卷經說分見諸經

存

鄧氏光舒五經繹

未見

高世泰曰鄧光舒字葆之黃陂人萬曆丙午舉於鄉歷官慶南知府著五經繹

考諸家目錄不見有是書疑鄧元錫之誤

來氏斯行五經音詁

未見

黃虞稷曰字道之蕭山人萬曆丁未進士福建右布政使

張氏萱五經一貫

經

義

考

卷一百五十

四

中華書局聚

十卷

未見

喬氏年麗澤論說

十卷

未見

梁氏字五經類語

四卷

未見

趙氏元輔六經圖

五卷

未見

胡氏一愚五經明音

六卷

未見

袁氏士瑜海蠡前編

一卷

未見

黃氏喬棟十二經傳習錄

未見

陸元輔曰喬棟恭肅公光昇子字以藩事親至孝以父蔭歷官雲南知府恭肅有諸經注解獨詩經未就喬棟足成之撰有十二經傳習錄

楊氏惟休五經宗義

二十卷

未見

陳氏洪謨五經輯略

未見

張氏睿卿五經釋義

十卷

未見

堵氏維常三經澤

□卷

未見

黃虞稷曰無錫人其子胤錫為湖廣提學副使輯其遺書

經

義

考

卷二百五十

五中書局聚

楊氏文昇五經私錄

二卷

未見

趙氏宦光九經漢義

未見

談經彙草

未見

錢謙益曰太倉趙宦光凡夫棄家廬墓與其妻陸卿子偕隱寒山
手闢荒穢疏泉架壑善自標置引合勝流而卿子工於詞章翰墨
流布一時名聲藉甚以爲高人逸妻如靈真伴侶不可梯接也凡
夫寡學而好著述不經師匠卿子學殖優於凡夫

梁氏斗輝十二經緯

九卷

存

斗輝自序曰孔子刪述六經自五經分而樂經僅存一篇以附禮
記全書闕焉五經又分周禮儀禮禮記爲七經復益以孝經論語
爲九經以春秋分三傳爲三合孝經論語爲一於是十經以六

經加六緯於是有一十二經以易書詩三禮三傳加孝經論語孟子爾雅謂之十三經羣聖心法始大備顧世皆左袒宋儒以關閩濂洛居然洙泗遺音獨不思起烈焰而躋之石渠天祿藁臺虎觀者伊誰力乎林駟有言學未到康成未可輕議漢儒故予每於論次中第寓損益之文而得失自見不敢過爲譏貶卽閒有所短長亦考證前哲非懸臆斷敢云升堂入室聊資窮經一啓鑰云爾

張氏雲鸞五經總類

未見

黃氏一正五經埤傳

未見

黃虞稷曰江都太學生

秦氏重豐三經偶得錄

未見

陸元輔曰無錫人

王氏應山經術源流

一卷

未見

經

義考

卷二百五十

六中華書局聚

鄒氏初基五經通說

未見

張氏瑄五經總類研朱集

二十二卷

存

周鍾曰大生精經學是編刪繁蕪標典義使讀者條理□循而指歸不亂

經義考卷二百五十

經義考卷二百五十一

秀水 朱彝尊 編

男 昆田 校

羣經十三

陳氏仁錫六經圖考

三十六卷

未見

王氏啓元清署經談

十卷

未見

鄭珙曰啓元字心乾馬平人天啓壬戌進士改庶吉士授檢討

馮氏一第十三經借課

佚

高世泰曰崇禎十六年八月張獻忠陷長沙孝廉馮一第死之一

第字根公天啓丁卯舉於鄉著有十三經借課

孫氏承澤五經翼

二十卷

存

珍做宋版印

承澤自序曰曩時海內藏書家稱汴中西亭王孫子官汴時西亭已歿與其孫永之善因得盡窺其遺籍約十萬餘卷尤重經學中多祕本世所鮮見予雖困頓簿書日借其經學一類課兒輩抄錄之攜歸京師壬午河決王孫之書盡沈洪流中賴子家猶存其什一至甲申之變子家玉亮堂積書七萬餘卷一時星散無復片紙存者是歲秋冬僵臥城東魚藻池上書買荷書來售多子家故本封識宛然泫焉欲涕又中祕故藏狼藉於市閒質衣物收之病廢之餘猶取諸書有裨經學者或錄其序跋或錄其論說久之成帙數年以來朝焉夕焉饑當食寒當衣孤當友病當藥石者惟此是賴禹航巖子顥亭省母南還別子退谷因託而梓之以公同志老病餘生名根久斷非敢以此侈該博也古人遺書日就銷滅經學之書存世者尤鮮嘗一變而知全鼎則經翼諸篇誠窮理者之所必資也顥亭之意與予相同而予更識其聚散之感如此

朱彝尊序曰古之仕焉而已者歸教其鄉里尊之曰先生親之曰父師王者養之則曰國老乞言合語載諸惇史授數而論說之若傳記所稱老彭老聃皆殷周之國老而遲任周任之言殆卽惇史

之文也漢之時伏勝張蒼轅固博士江翁胡毋生杜子春之徒多以耆耄教授弟子蓋聖人之道莫備乎經學者必老成人是師庶學有統而道有歸然守一家之說足以自信不足以析疑惟衆說畢陳紛綸之極而至一者始見故反約之功貴於博學而詳說之也吏部侍郎宛平孫先生年八十矣好學不倦集漢以來諸儒五經序義分爲二十卷名曰五經翼給事中餘杭嚴公鏤版行之先生凡五致書命予爲序予惟經學之不明非一日矣自漢迄唐各以意說散而無紀其弊至於背畔貴有以約之此宋儒傳注所爲作也今則士守繩尺無事博稽至問以箋疏茫然自失則貴有以廣之先生是書所爲述也當萬曆中周藩宗正灌甫藏書八萬餘卷至黃河水決遺籍盡亡初先生知祥符縣事時從其孫永之借鈔諸經義後又益以祕閣流傳諸書故多世所未見者予不學未能發明五經之蘊因述先生之老而好學無愧於古之致仕者以爲當世法俾讀其書若見惇史且及其采輯所從來蓋歷數十年而始成洵匪易矣嚴公亦與予善其勤學下士相等事三老者必有五更告於先生者必及君子然則舍嚴公其誰也

顏氏茂猷五經講宗

經

義

考

卷一百五十一

一

中華書局聚

六卷

存

陳氏龍正朱子經說

十四卷

存

龍正自序曰朱子語類略定頗無憾惟說經一類占且大半私念傳注者朱子生平精力之所聚也各附經以見未嘗入本集此實傳注之餘而獨攬入語中爲一類顧又獨多於衆類綱紀非稱譬之車以載物而物跨於車室以處人而人壯於室曷不別爲一書使窮經者尤便考證乎攜入都以示伯玉而未質也伯玉讀之踰月喜甚謂立義起類更置先後裁併條句渾然燦然莫可易者惟說經宜提出別行更快人意予聞躍然事固有不約以孚如斯者所以懷來遂決但朱子當年或因門人執經問難旁及他事與經指絕不相涉則移從各類或他類中有專爲經文經義發明亦移入說經凡以益於省觀使人無茫然混淆之困而已聖作明述皆欲置人清辨之地也去其混淆與以清辨意者因說經之意以通經意者歟又序曰嗚呼此予所爲朱子經說原序也越四年爲

甲申而有三月十九之事伯玉殉難最先最烈與劉宮諭理順並軌焉念海內同志不過數人而學同者尤鮮以禪染方熾或明承或暗墮求其純以孔孟之學晝夜相切磨者在京邸時惟伯玉暨劉公耳至其臨大節也皆卓絕嗚呼正學不足以益人顯遂而足以固人忠貞茲非其明驗耶伯玉已矣今而後復有好研經術好讀語錄由程朱溯孔孟孳孳問難相對無倦者天南地北屬之何人不數月閒遂成隔世每展卷輒潸然長歎

陳氏際泰五經讀

五卷

存

劉氏同升五經四書大全注疏合編

未見

繆泳曰公字孝則吉水人崇禎丁丑賜進士第一人除翰林修撰後死於難

黃氏欽五經說

未見

建昌新城縣志黃欽字子安自號九疊山人

夏氏璋五經纂注

存

朱隗曰璋字叔瑜

郁氏禾五經考辨

一卷

存

按郁氏不知何許人亦未晰其時代第知其字曰計登而已休寧戴生錡獲之揚州士人家手錄以歸文凡二十二篇又序一篇辭甚條暢不襲前人齒牙可謂博雅之士

顧氏炎武日知錄說經

七卷

存

陸氏元輔十三經注疏類抄

四十卷

存

陸嘉淑序曰各物器數之繁莫備於經考覈形狀制度比類指象探蹟窮變莫詳於漢唐諸儒蓋雖艸木禽魚工人祝史所創述方

名經述所載列無不竭智畢慮盡其纖微曲折而後止嗚呼各物器數先王禮樂之本而治天下之具之所託也且使茅苴蠡斯之義不著則比興微矣壇墀堂室之制溷則宗廟朝廷之禮誤矣祝敵管磬黼鬲壘登之數不存則無以降神靈通胙饗矣揖讓進反粉畫行綴之法不詳則禮不勝其慢易矣如是而徒欲以詰訓之空言條盪天下之情志漸摩斯世之習俗三代之治之所以不復見於後世也吾家翼王讀書王太常煙客家與中舍周臣爲友相與講求先王禮樂之具與其所以致治之原慨然謂讀書必自窮經始窮經必自漢唐注疏始然注疏之文汗漫雜出紛蹟隱奧苦於考據別識之難也於是發凡起例爲之疏通裁斷部分族居大而郊廟朝堂之制禮器樂數之品章以及一事一物禽魚草木之微無不綜以綱維歸之條例於是羣經之所有一披籍而了然皆可指掌而盡焉本末兼該精粗咸貫世有知而用之者可執此以往下此亦可備文人賦家之考索其用精矣其致力勤矣翼王家礪城先輩多經學之士如張公路張茂仁邱子成唐叔達徐女廉之流指不勝屈翼王又親爲黃陶庵先生入室弟子宜其學有師承而著書足以垂後也後之讀此書者以之備考索鉤稽之用固

得矣然無僅以為文人賦家之所資焉則翼王著疏之意庶其不
泯没乎予故序而論之

汪氏琬經解

四卷

序

沈氏珩十三經文鈔

五十卷

存

珩自序曰大道之在天下其統歸乎一而已矣道之全體大用具
見於經庖犧之儀卦虞廷之十六字道統從此始矣道統即學統
也商君臣言性言學言誠文王周公孔子繫易之辭禮經雅頌制
作昭明道統之傳承無岐軌焉周道缺微異萌斯起孔子修定諸
經與門弟子雅言詩書執禮商瞿傳易卜商傳詩左邱明傳春秋
史法曾參傳大學孝經子思傳中庸以至有若孟子之徒傳論語
游夏之徒傳爾雅其後散處諸侯之國以友教天下公羊穀梁傳
春秋經法數傳之閒經學正而道統乃正自秦滅學漢世收遺經
於殘脫之餘於是人各異師或數人而合一經或一經而分數家

說滋繁而義滋裂愈降而由漢歷唐以至宋千有餘年經術蕭然謝絕其閒特起之士知稱說經義以明道德者不過數人猶擇焉不精語焉不備蓋經學散而道統亦散矣宋室大儒曠代拔興淵源相接傳聖人之心於孔子修定之中然後學統復正累承以至於今然自春秋戰國以來爲吾道賊害者亦復根萌燼然於其閒如六經注解六經注脚六籍無書卽心是經之邪說瞽趨者猶樂其新奇而爭炫之蓋未知所底也幸際聖德昭明用經術以敦勵天下使學統歸於一是竊觀自古聖功王事義備於經經義之備著於文辭後世說經之文亦經義之文辭所爲支流餘裔也自傳注釋詁而外以篇章說經有儒林之文有理學之文儒林之文本乎學問意見考據探索足以發揚志識而經制之業出其中焉理學之文本乎窮理致知明體達用足以開來繼往而道統之傳出其中焉理學之文所謂其統歸於一是者也儒林之文則醇疵得失見焉抑或其文其人則居然理學也而其言出入離合見焉以一是而論惟去彼取此足矣然論學不可以不嚴而論文則不得不寬何則惟嚴而後統始正也惟寬而後知統之不可以不正也聖人之於經亦然易序乾坤而謹復姤也詩貴正而兼變也書貴

治而存亂也春秋貴予而示奪也聖人豈容有進退損益哉惟復
姤之必謹而後知乾坤之義爲深遠也變之害正而後知變之不
可不正也亂之侵治而後知亂之不可不治也奪之僭於予而後
知奪之當懼而歸於予也此聖人憂天下之情也今夫說經之文
之有鈔也使醇疵得失出入合離其說畢陳於前而後知治是統
者之不可以不謹操是統者之不可以不嚴故曰惟嚴而後統可
正也惟寬而後知統之不可以不正也經之統正則學之統正而
道統無勿正矣由是編而審所別擇焉凡造化之所以絪縕蕃變
王道之所以崇效卑法天德之所以精義入神經制之所以因革
損益酬酢之所以常變經權人物之所以升降進退衡別之所以
得失異同類族之所以典常秩序於以窮天下之事理而致天下
之大用聖功王事詎有不備乎此而徒以資經生之佔畢已哉且
國家取士首重明經士子所誦習以應制舉不越乎章句帖括之
閒未嘗窺見古人宏深浩博之業以審其源流得是編以開明之
則始進之學旣識本原於以備顧問而贊大議參大政將使經術
弘備而治教休明不無小補竊有厚望焉

六卷

存

繆泳曰駿生字山子錢塘諸生其說經詩曰詮書曰案易曰天春秋曰與禮曰勺嚴侍郎沆序之

王氏復禮二經彙刻

十二卷

存

毛奇齡曰草堂取孝經大學諸家改本會萃刊之

黃氏百家說經千慮愚得

三卷

存

饒氏失名五經纂要

未見

錢啓忠序曰六經由漢而唐而宋諸儒代興各有注疏不啻汗牛充棟矣明興乃芟其繁冗歸於畫一易詩宗朱子書宗蔡氏春秋宗胡氏禮宗陳氏戶誦家習奉爲令典非是則縹緲不錄巒序勿登誠不欲以多岐亡羊蓋其慎也然其閒如詩之不叶於傳序也

春秋之盡斥夫公穀也書之拘牽於躔度也禮之聚訟於明堂也易之僅歸於卜筮也不無滯義夫漢儒即未克明經亦克窮經其勤有足嘉者今經學自本注外併大全一書儲之學官鮮寓目焉者東岡饒氏茹蔬啜水老而勿倦講學於羊城歸仁院別為纂要可謂刻勵於學者也

亡名氏九經要覽

未見

張萱曰內閣抄本莫詳姓氏采九經語分類成書

九經總例

未見

張萱曰九經諸本互異此書總其互異者詳辨之曰書本曰字畫曰注文曰音釋曰句讀曰脫簡曰考異凡七則依盱郡廖氏元本梓之莫詳姓氏

權氏近五經淺見錄

佚

高麗史近初名晉字可遠一字思叔辛禡時左司議大夫禡曰此人為諫官使子不得游幸何可近侍合令防倭耳著入學圖說五

經淺見錄

經義考卷二百五十一

經義考卷二百五十一

七 中華書局聚

經義考卷二百五十二

秀水 朱彝尊 編

男 昆田 校

四書一

朱子熹四書語類

八十卷

存

四書集注章句

二十六卷

存

四書或問

二十六卷

存

李方子曰語孟二書世所誦習爲之說者亦多而析理未精釋言未備大學中庸自程子始表章之然大學次序不倫闕遺未補中庸雖爲完篇而章句渾淪讀者亦莫知其條理之粲然也先生蒐輯先儒之說而斷以己意彙別區分文從字順妙得聖人之本旨

昭示斯道之標的又使學者先讀大學以立其規模次及語孟以盡其蘊奧而後會其歸於中庸尺度權衡之既當由是以窮諸經訂羣史以及百氏之書則將無理之不可精無事之不可處矣
陳宓曰先生所著書數十種而尤切於世教者曰大學中庸章句或問語孟集注

陳普曰文公四書大意精義發明抉剔似無餘蘊今細詳之則其引而不發留待後人者尙多

王禕曰論語先漢時已行諸儒多爲之註大學中庸二篇在小戴記中註之者鄭康成也孟子初列於諸子及趙岐註後遂顯矣爰自河南程子實尊信大學中庸而表章之論語孟子亦各有論說至朱子始合四書謂之四子論語孟子則爲之註大學中庸則爲之章句或問自朱子之說行而舊說盡廢矣於是四子者與六經並行而教學之序莫先焉

薛瑄曰四書集注章句或問皆朱子萃羣賢之言議而折衷以義理之權衡至廣至大至精至密發揮先聖賢之心殆無餘蘊

喻氏擣四書性理窟

佚

張氏九成四書解

宋志六十五卷

佚

陳氏舜中四書集解

佚

黃氏幹四書紀聞

未見

葉氏味道四書說

未見

姓譜字知道温州人師事朱子嘉定中進士授太學博士兼崇政

殿說書

劉氏燾四書集成

佚

劉氏炳四書問目

佚

閩書炳字韜仲建陽人與兄燾從文公游舉進士累官兵部侍郎

朝請大夫

潘氏柄四書講義

未見

童氏伯羽四書訓解

未見

閩書童伯羽字蜚卿甌寧人師事朱文公文公嘗造訪之名其堂

曰敬義伯羽以道自任化行鄉里時人以敬義先生稱之

江氏默四書訓詁

六卷

未見

姓譜字德功崇安人從朱文公游乾道中進士歷安溪光澤尉

黃氏士毅四書講義

未見

姓譜字子洪莆田人號壺山師事朱文公

程氏永奇四書疑義

佚

戴說曰永奇字次卿號格齋休寧程先之子朱子門人

胡氏泳四書衍說

佚

戴說曰泳字伯量南康建昌人朱子弟子

王氏遇四書解義

佚

陸元輔曰朱子門人

王氏時敏四書說

十卷

佚

江西通志王時敏字德修上饒人嘗從東萊呂氏游

劉氏伯謙四書說

佚

徽州府志劉伯謙字謙甫歙人慈湖楊氏弟子

葛氏紹體四書述

佚

赤城志葛紹體字元城黃巖人師事葉水心

戴氏侗四書家說

佚

田氏疇四書說約

佚

真氏德秀四書集編

二十六卷

存

真志道學庸集編後序曰大學中庸集編先公手所定也公每晨起坐堂上炷香開卷必點校一章從而演說其義子姪皆立侍焉既終篇呼志道而前告之曰大學中庸之書至於朱子而理盡明至予所編而說始備雖從或問輯略語錄中出然銓擇刊潤之功亦多閒或附以己見學者儻能潛心焉則有餘師矣然又須先熟乎諸書然後知予用功深采取精此亦自博而約之義也志道拜受此書銘記於懷於今三紀不敢失墜挈之郭居閒以語同志而郡博士謝君聞之來請甚勤且曰刊之泮宮俾家有其書人傳其學豈不公溥志道有感其言遂出授之且著其說於下方使得此書者必深思而力踐之斯爲善讀庶亦不負謝君私淑之意謝君莆之名士於斯道有聞故於學政知所先務云如論語孟子集注雖已點校而集編則未成

劉才之序曰朱子四書郡庠舊所刊也自壬子水蕩之後遂爲闕里一大欠事近得西山所編中庸大學本之朱子集注附以諸儒問辨閒又斷之以己意會萃詳采擇精誠後學所願見者已鉅之梓爲衍其傳惟論孟二書闕焉扣之庭聞則云已經點校但未編集是論孟固未嘗無成書也一日論諸堂上學正劉樸谿承謂讀書記中所載論孟處與今所刊中庸大學凡例同其他如文集衍義等書亦有可采摭者因勉其彙集成書凡五閱月而帙就又五閱月而刊畢至是西山所編之四書爲大全不惟有以成西山點校之初志抑使天下學者得是書而讀之皆曰自是建學始庶知沿流而溯源夫豈小補云乎哉咸寧九年至曰

謝侯善後序曰朱子四書布發天下而闕里之舊鈔無存豈荆人不貴玉鮫人不貴珠邪意其得之於家傳面命之餘視此爲筌蹄僕贅真璜籍宇聞之而訝且懼敬尋舊籍而求再刊之乃得真西山先生點校手澤於夏獻之遺喜其熊魚得兼可爲今世一部韶樂亟命工刊之於郡庠以爲未得魚兔者設亦俾來者知其象脉之所自出歟時咸淳壬申正月人曰

張氏津四書疑義

經

義

考

卷一百五十一

四 中華書局聚

佚

括蒼彙紀張津字子問龍泉人

諸葛氏泰四書解

佚

台州府志諸葛泰字安之黃巖人端平二年進士知平陽州

謝氏升賢恕齋四書解

佚

吳氏觀四書疑義

佚

黃震曰臨川人應抑之天文圖有匏瓜星其下注云論語吾豈匏瓜也哉焉能繫而不食正指此星而言蓋星有匏瓜之名徒繫於天而不可食正與維南有箕不可簸揚維北有斗不可挹酒漿同義建昌吳觀附此於四書疑義

沈氏貴瑤四書要義

宋志七篇

未見

陳氏應隆四書輯語隆或作龍

宋志四十卷

未見

張萱曰集中多采宋儒語錄凡四十卷內閣本闕三十五三十六

二卷

石氏廣四書疑義

佚

黃震曰近世有石廣學於晦庵門人李閔祖作四書疑義

黃氏續四書遺說

佚

閩書績字德遠莆田人仕為學正

盧氏孝孫四書集義

一百卷

佚

四書集略

四十二卷

未見

張萱曰孝孫取考亭語錄文集為四書集義又病其博而未精於

是復為集略芟繁撮要深寓反約之意

廣信府志盧孝孫字新之貴谿人受業真西山之門嘉泰閒舉進士為太學正淳祐初上幸太學獻所編四書集義學者稱玉谿先生

章氏允崇四書管見

佚

蔡氏元鼎四書講義

佚

蔡氏樸四書集疏

未見

吳氏真子四書集成

存

崑山徐氏含經堂有之

趙氏順孫四書纂疏

二十六卷

存

順孫自序曰子朱子四書注釋其意精密其語簡嚴渾然猶經也

順孫舊讀數百過茫若望洋因徧取子朱子諸書及諸高弟講解有可發明注意者悉彙於下以便觀省閒亦以鄙見一二附焉因名曰纂疏顧子朱子之奧順孫何足以知之架屋上之屋強陪於穎達公彥後祇不韙耳遇大方之家則茲疏也當在所削

洪天錫序曰或問尹和靖讀易傳之法和靖曰體用一源顯微無閒李延平聞之曰此語固好然學者須理會六十四卦三百八十四爻皆有歸著方可及此二先生豈異旨哉言各有當也蓋學不可以徒博亦不可以徑約徒博則雜徑約則孤此約禮必先之以博文而詳說乃所以反約也文公朱子之於論孟既成集義又作詳說既約其精者爲集注又疏其所以去取之意爲或問其後集注刪改日以精密而或問遂不復修文公自謂集注乃集義之精細一字稱輕等重不可增減讀論孟者取是書焉可也格庵趙公復取文公口授及門人高第退而私淑與集注相發者纂而疏之閒以所聞附於其後使讀之者如侍考亭師友之側所問非一人所答非一日一開卷盡得之博哉書乎然非約之外有所謂博也人莫不飲食也知味者鮮文公一生精力多在此書一章之旨一字之義或數年更易而後定或終夜思索而未安學者以易心讀

之豈能得聖賢之意哉如援先儒與諸家之說有隨文直解不以先後爲高下者有二說俱通終以前說爲正者有二說相須其義始備不可分先後者設非親聞未易意逆此纂疏所以有功於後學也僕晚未聞道加以衰賸廢學公不鄙辱教且命之曰序以幸子竊惟論孟二書文公凡幾序矣僕於要義而得熟讀深思優游涵泳之說於訓蒙而得本末精麤無敢偏廢之說又於集義而得操存涵養體驗充廣之說終身受持猶懼不斲何敢復措一辭抑文公曾有言曰大學一書有正經有注解有或問看來看去不用或問只注解足矣久之不用注解只正經足矣又久之自有一部大學在吾胸中正經亦不用矣此文公喫緊教人處也僕於集注纂疏亦云

牟子才中庸纂疏序曰予旣爲趙君序大學章句疏矣趙君又疏中庸章句以胥教誨嗚呼士惟無志則已苟有志焉則何書之不可讀也予至是益歎趙君之用功何其專而工夫至到文理密察又何其不苟也然嘗伏讀中庸章句之書因有以見孔門傳授之正本朝諸子解說之詳矣蓋自皇王以來繼天立極丁寧告戒不出是道今觀堯之告舜則曰允執其中舜之命禹則曰人心道心

湯之誥民則曰民有常性武之誓師則曰人爲物靈以至成王之
言生厚尹吉甫之言秉彝劉子之言天地中世之相去有久近而
聖賢之言先後一揆未嘗少殊也吾夫子生於春秋之世雖不得
其位而爲往聖繼絕學若過於有位者越是時朝夕講貫則又有
顏子曾子見而知之再傳而復得孔子之孫子思則又聞而知之
子思子又懼此道之失其傳也乃推本古先聖人之意而質以平
日所聞父師之言作爲是書以詔來世若有不能自己者焉此作
書之本義也自是而後又作傳而爲孟氏孟氏歿此道寥寥千五
百年至我朝而濂溪周子者出始得所傳之要以著於篇河南二
程夫子又得其遺旨而發揮之然明道不及爲書伊川雖爲書而
心不慊意而火之今所傳者特其門人所記平居問答之辭而橫
渠張子若謝氏尹氏亦皆記其語之及此者耳若呂氏楊氏游氏
侯氏則又成書然或過於高或鄰於淺或語多差失或意轉支離
或背其師說或入於釋氏具見於石君子重所編新安朱文公有
憂之乃沈潛反復考其異會其同參考究極以審訂之著爲章句
一篇旣又刪石氏編次繁亂之語名曰輯略記嘗所辨論去取之
意名曰或問以附其後然後中庸之旨始大白於天下可謂至矣

盡矣今趙君又纂文公文集語錄及諸高第言及章句者而益之以己見至於或問則取其評論諸子之說而附注之是亦文公之意也學者觀乎此而有意於深造則羣言萃於一編易以參訂既有以見文公取舍折衷之詳又有以見門人講明論辨之當俟其首尾該貫義理充足而後學爲中庸焉則得尺吾尺得寸吾寸雖遠可近雖高可升而所自得者多矣不寧惟是厥既知之又將以其所知者而見之素履實踐焉則知與行互相發見豈不能爲聖爲賢乎然則纂疏之作雖出於編輯之屬而發明中庸大義將以迪民彝厚世教也豈訓故云乎哉

黃潛作阡表曰自考亭朱子合四書而爲之說其微辭奧旨散見於門人所記錄者莫克互見公始采集以爲纂疏蓋公父少傅衛公雷師事考亭門人滕先生璘授以尊所聞集公以得於家庭者溯求考亭之源委纂疏所由作也

應俊序曰朱子四書如日星麗天萬象昭著然學者儻不精體深驗而以易心讀之則毫釐之差違道已遠蓋其語脈流行之處辭氣抑揚之閒皆精義至理之所寓也格庵趙公始作纂疏蒐輯一門師友之言字字研覈又爲推說其所未備而後讀者渙然怡然

皆得其門而入朱子有功於四書格庵又有功於朱子矣俊叨恩
守括乃以邦人之志請入梓教授倪君澄王君慶高先後爲校讎
且泚其役論孟成會縉雲令王君旣濟已刊中庸大學遂併刊於
學官云

經義考卷二百五十二